





DE
MARIA
SCOTORUM
REGINA
—
JOHANNAN













EEDY BINDER 37 TAVISTOCK 58





DE

MARIA

Scotorum Regina, tota-
taque eius contra Regem
coniuratione, foedo cum
Bothuelio adulterio, nefaria in
maritum crudelitate & rabie,
horrendo insuper & de-
terrimento eiusdem par-
ricidio : plena, &
tragica planè

Historia.

(*)



Q. Quis scit an adiciet hodie cras Ima dicitur

tempora dii suberit

Quod tuas

1834

Modestus

ab



Vm rerū domi iu-
dicatarum foris rationē
exigi, omnibus qui sui
sunt iuris, nouum, &
ob insolentiam mole-
stū est, tum nobis pro-
fecto longē molestissi-

um videri oportet: quippē quibus ne-
cessitas imposita est, vt quorū vitia tegere
cupiamus, eorum vitam cogamur oppug-
nare, nisi ipsi omnium sceleratissimi haberi
velimus. Sed magnam eius molestiæ partē
leuat tua (Serenissima Regina) æquitas, quæ
non minus molestē feras propinquā, quā
nos, Reginam, omnium sermone traduci,
quæq; non minus veri intelligendi, quā
nos calumniæ vitandæ, studio ducaris. Igi-
tur, quā breuissimē fieri potest, rem per-
stringemus: ac tanto exponemus compen-
dio, vt summa rerum capita, non tam expli-
casse, quā percurrisse videamur, à prima
Reginæ inconstantia exorsi. Vt enim præ-
ceps fuit in nuptijs faciendis eius leuitas, ita
repentē sequuta est vel poenitētia, vel (nul-
lis extantibus causis) alienatæ voluntatis
indicia. Nam cum antea non modò negli-
genter, sed parum honorificè Rex est habi-
tus, tandem apertius odium erumpere cœ-
pit: illa præsertim hyeme, cum Peblum,
non modo tenui, sed infra priuati hominis
dignitatē, comitatu, non in aucupium mis-

*Nuptia Re-
gina Scotia
cum Rege.*

*Odium Re-
gina Scot.
erga mari-
tū post nup-
tias.*

sus est, sed procul à Consilio, & negotiorū publicorum conscientia, ablegatus. Neq; literis committere necesse est, eas res, quæ ut tum omnibus erant spectaculo, ita nunc, velut recens imago, in omnium hæret pectoribus. Et quanquàm hoc initium erat omnium, quæ sequuta sunt, malorum, ab initio tamen occulta erant Consilia: ut non modo vulgus, sed nè familiares quidem, & qui plurimis rebus gerendis intererant, satis intelligere possent, quid potissimum tum Regina spectaret.

An. 1566

Aprill.

*Perfidia
Reg. Scot.
erga mari-
tum post
puerperiū.*

*Regina cū
Bothuelio,
in necem
Regis con-
spiratio.*

*Inimicitias
inter Regē
& Nobili-
tatē serit.*

Tandem circiter mensem Aprilem, anni. 1566. cum à Dumbaro Edinburgū Regina redisset, atq; in arcem eius Oppidi concessisset, ibi usq; ad puerperij tempus se continuit. A partu statim occulta cogitati sceleris Consilia, sese aperire coeperunt: quorum hæc summa fuit. Ut Rege qualibet ratione sublato, matrimoniū cum Bothuelio contraheret. Ac ne ipsa suspicione perpetrati sceleris contingeretur, spargere paulatim semina discordiarum coepit, inter Regem, & Proceres, qui tum in Aula versabantur: Ac magis & magis eis inflammatis, ad capitales inimicitias rem deducere. Et si quando suspensiones mutuas relanguescere sentiebat, nouis vtrinq; delationibus, irarum stimulos acuebat: dum Nobilitati Regem, Regi Nobilitatem in caput eius imminere, persuadere conatur. Neq; quicq; ei lon-

ei longius videbatur, quàm vt res ad manus veniret : incerta enim vtros vinceret, vtriusq; partis cladé in lucro sibi ponebat: quippè quæ gradum ad id quod intenderat, ita sibi factura videretur. Deniq; breui, ita omniũ animos mutuis impleuit suspicionibus, vt nemo tum genere paulo illustrior in Aula esset, quem non in eam necessitudinem induxerit, vt rumores de se fictos, vel turpiter agnosceret, vel cum arguentibus armis cõtendere, vel domum secedere cogeretur. Ac vt cœtera, studio ad ipsũ causæ caput festinandi, omittam, vna tamen illius temporis insignis calumnia prætereunda non est. Nam cum Rex aliquandò ad multam noctem cum Regina colloquutus fuisset, eius ferè colloquij hæc summa fuit: Nobilitatem propè omnem in eius exitium conspirasse, ac rationem inter se inire, qua eum tollere possent. Regè dimisso, Regina Moravium fratrem suũ (qui Prorex postea fuit) accersit: rem esse atrocẽ, statim eius præsentia opus esse. Ille è profundo somno excitatus, trepidè (veste talari super indusium lineum iniecta) vt erat seminudus ad eam aduolat. Simili propè ibi oratione vsa, quali ante ad Regem: quem tanto eius odio flagrare ait, ac tam agrè ferre, quòd eum apud se gratia locũ obtineret, vt ipsum cum primo possit, excitata.

A. iij.

posset, excitata.

Comes Mo-
rauiæ Regi-
næ frater
Prorex
Scotia.

Lites inter
comitẽ Mo-
rauium &
Regem per
Reginam

*Quoniam in
libro ubi*

*Regina
lena munus
marito pra-
stat.*

*Insidiosum
Regina cō-
siliū.*

posset, de medio tollere decreuerit. Ita, quod in ipsa erat, nihil omisit quò minus eos committeret, & procul dubio cōmiffisset, nisi Deus homines innoxios è tam periculosis insidijs eximere, & scelera- tam illius nequitiam detegere statuisset.

Cum hic ei conatus frustrà fuisset, alia fraude hominem adolescentē, & incautum aggreditur. Eum sollicitat vt, dum vterum ferret, aliquam, è magna copia, adolescentulam deligeret, cuius intereā consuetudine vteretur. Studium suum, & operam pollicetur, veniam facti spondet: Comit̃s Morauij vxorem ostendit: non quòd lectissimam foeminam maximè oportunam flagitio putaret, sed tres inimicos vna opera volebat vlcisci: Regem, Comitem, eius vxorem: & locū diuortio acquirere, vt vacuū Bothuelio thalamū relinqueret. Partu liberata, etsi alios omnes satis comiter accipiebat, quoties Regē, visendi causa, adesse nunciebatur, & ipsa, & comites, vultum, sermonemq; ita effingebant, vt nihil magis timere viderentur, quàm ne Rex non intelligeret se eis fastidio, aduentum, conspectumq; eius omnibus ingratum esse. Cōtra vero Bothuelius vnus, omnia poterat: vnus cōsilijs, vnus negotijs omnibus præerat. Adeòq; Regina, sui ergà illum animi propensionem ab omnibus intelligi volebat, vt

vt si quid ab ~~ea~~ impetrandū foret, nemo,
nisi per eum, impetraret. Adeò timebat,
nè obscurus erga eum fauor esset.

Non adeò diū post partum, quodā die,
summo manè, cum paucis admodū con-
scijs, ad Portum (quem nouum vocant)
descendit: omnibusq; mirantibus quo
properaret, nauiculam ibi præparatā con-
scendit. Apparauerant autem eam nauic-
ulam, Gulielmus, & Edmundus Blaca-
teri, Leonardus Robertsonus, & Thomas
Dicsonus, Bothuelij clientes, & notæ ra-
pacitatis piratæ. Hoc igitur cum Latronū
comitatu, stupentibus omnibus bonis, se
mari cōmisit, nemine (ne ex honestiori-
bus quidem ministris) assumpto. In Alōa
verò arce, quo Naui appulit, qualiter se
gesserit, malo apud se quisq; cogitet, q̄
ex me audiat. Vnū illud affirmare audeo,
nullam ibi (non dico Regineæ maiestatis,
sed nè Matronalis quidem modestiæ) in
omnibus dictis & factis habitā fuisse rati-
onem. Rex audito necopinato Regineæ
discessu, terra, quantū potuit, eam est cō-
sequutus: ea spe, & consilio, vt vnā esset,
& mutua coniugali officiorum cōmuni-
catione frueretur. Quàm verò amicè ab
~~ea~~ fuerit exceptus, & omnes qui aderant
norunt, & qui de illis audierunt, memi-
nisse possunt. Vix enim paucis horis (dum
ministri, & equi, cibo & quiete reficeren-

A. iiii.

tur)

*Guliel. Bla-
caterus.*

*Edmundus
eius frater.*

Leonard.

*Robertso-
nus.*

*Tho. Dic-
sonus, pira-
ta clientes
Bothuelj.*

H. cop. Regineæ

*Regina er-
ga Regem
insolens su-
perbia, &
fastidium.*

tur) concessis, nè quid gravius accideret, discedere est coactus. Illa verò, si non regia honorificentia, certè plus q̃ regia, aut certè parũ regia licentia, aliquot ibi dies transegit. Sequuntur sunt variationes, altera ad Magatam fluvii, altera ad Saltũ, quem Glenartua vulgè vocant. Ibi q̃ se morosè, quàm arroganter, & fastidiosè, erga Regem gesserit, quid opus est oratione? res enim in omnium oculis gesta, & memoria consignata est.

*Regina fur-
tiva ite-
nere.*

Vbi verò Edinburgum redijt, non in suum Palatium, sed in priuatã, in proximo Ioannis Balfurij, domũ diuertit. Illinc in alias Ædes cõmigravit, vbi Conuentus anniuersarius, quem Scaccarium vocant, tũ habebatur. Hæ enim ædes erant laxiores, & hortorũ aderat amœnitas, & iuxta hortos penè solitudo. Sed erat & aliud, quod omnibus his magis inuitaret. Habitabat in propinquo David Camerius, Bothuelij cliens: cuius posticum erat hortis ædiũ Reginæ propinquũ. Per id posticum Bothuelius, quoties libitum erat, cõmebat. Coetera quis nescit? Nã & rem ipsam Regina, cũ multis alijs, tũ Proregi, & matri eius est confessa: sed culpã in Reresiam, profligatæ pudicitia mulierẽ conferebat, quæ inter pellices Bothuelij fuerat, ac tũ in intimis Reginæ ministris erat. Ab hac (quæ ætate inclina-

*David Ca-
merius
Bothuelij
cliens.*

Postea

*Reresia me-
retrix, &
lena.*

ra à meretricio quæstu, ad Lenonium se
 contulerat) Regina, vt ipsa dicebat, pro-
 dita est. Nam Bothuelius per hortum in
 Cubiculū Reginae introductus, eam inui-
 tam vi cōpreffit. Sed q̄ inuitam Reresia
 prodiderit, tēpus ver̄ atis parens osten-
 dit. Nam post paucos dies, Regina vim vi,
 vt reor, vlcisci cupiens, destinat Reresiam
 (quæ & ipsa vires hominis antea erat
 experta) quæ eum ad se captiuum addu-
 ceret. Regina vnā cum Margareta Caruo-
 dia, omnium secretorum conscia, eam è
 zona suspensam, per maceriem, in hor-
 tum propinquum demittunt. Sed nunq̄
 in re militari omnia sic prouideri possunt,
 vt non aliquid incommodi interueniat.
 Ecce zona repentē frangitur. Reresia,
 mulier & ætate, & corpore grāuis, cum
 magno strepitu cadit. Sed veterana miles,
 nihil tenebris, nihil altitudine maceriæ,
 nihil inexpectato casu perterrita, ad
 Bothuelij cubiculum penetrat: foribus
 reclusis, hominem è lecto, è complexu
 coniugis, semisomnum, seminudū, addu-
 cit ad Reginam. Hunc rerum gestarum
 ordinem, non modò maxima pars eorum
 qui cum Regina erant, sunt fassi: Sed &
 Georgius Daglesius, Bothulij cubicula-
 rius, paulò antè quàm poenas luit, de-
 narravit: quæ eius confessio in Actis
 continetur.

apertis in partibus

*Regina cū
Bothuelio
adulteriu.*

*Reresia mē-
retrix Re-
gina libi-
dinis mini-
stra clam
per zonam
dimissa ad
Bothueliū
mittitur.*

*Fides histo-
ria testimo-
nio confr-
mata.*

B. j. Interea

*Rex a Re-
gina spretus
reiectus &
exclusus.*

Interea Rex propemodum relegatus, iniurijs & miserijs ablegatus, Sterilini se, cum paucis ministris, continebat. Quid enim aliud faceret? Vt qui apud Reginam nullum gratiæ locum obtineret, sed nec, unde pauculos ministros, & equos aleret, sumptus quotidianos haberet: deniq; qui iurgijs (ob leuissimas nugas) ortis, & quæsitis criminandi causis, abigeretur. Animus tamen eius, in amando obstinatus, prohiberi non poterat, quo minus Edinburgum rediret, vt omni obseruantia genere aditum aliquem in pristinum locum gratiæ, & vitæ coniugalis societatem, impetraret. Qui iterum, per summam contumeliam exclusus, iterum vnde venerat reuertitur, vt ibi (velut in solitudine) suas deploraret miserias. Non adeò multis, post id, diebus, cum Regina statuisset Iedburgum proficisci, ad Conuentus iuridicos habendos, circiter initium Octobris, Bothuellius expeditionem in Liddiam adornat. Ibi cum, neq; pro loco quem obtinebat, neq; pro familia & expectatione se gereret, à latrone moribundo vulneratus, in arcem Heremitagium, incerta etiamnum vitæ spe, defertur. Id vbi Borthuicum ad Reginam delatū est, magnis itineribus, aspera iam tum hyeme primum Melrosiam, inde Iedburgum, velut insana, perueniat.

Eò

Octob.

*Bothuellius
a latrone
vulneratus
de vita pe-
riclitatur.*

Infamia

Eò etſi certi de eius vita rumores perfe-
rebantur, tamen impatiens moræ ani-
mus, ſibi temperare non poterat, quin
& flagitioſam libidinem proderet, & ali-
eno anni tempore, ſpretis viarum diffi-
cultatibus, & latronum inſidijs, ſe in iter
conijceret cum eo comitatu, cui nemo,
paulò honeſtior, ſuam vitam aut fortu-
nas committere auderet. Inde Iedbur-
gum iterum reuerſa, ſummo ſtudio & di-
ligentia, ad Bothuelium eò transferendū,
omnia confert & comparat. Eoq; illuc
traducto, eorum conuiſtus & conluetu-
do, parum ex utriuſq; dignitate fuit. Ibi,
ſiue ob nocturnos, diurnoſq; labores, ip-
ſis parum decoros, vulgò infames, ſiue
occulta aliqua Numinis prouidentia, Re-
gina in morbum adeò ſæuum, & exitia-
bilem incidit, vt nulla propè ſpes de eius
vita cuiquam ſupereſſet.

*Regina li-
bido mora
impatiens.*

Id Rex vbi reſciuit, maximis itineri-
bus Iedburgum contendit, vt Reginam
inuiſeret, languentem ſolaretur, & qui-
bus poſſet officijs, ſuum animum, & ſtu-
dium ei gratificandi teſtaretur. Adueni-
enti verò tantum abeſt, vt hoſpitiū vic-
tuſq; (quod mediocribus etiam homini-
bus fieri ſolet) apparatus ſit, vt nè vllum
quidem amici animi indicium ſenſerit.
Illud verò barbaræ inhumanitatis fuit,
quòd Nobilibus, omnibuſq; qui aderant

*Regina er-
ga Both-
uelium a-
mor &
ſtudium.*

*Regina
morbo leta-
liter labo-
rat.*

*Regis erga
Reginam
fides et gra-
tia ſeduli-
tus.*

Omniſque apparatus

*Regina
plusq̃ Scy-
thica inhu-
manitas.*

*Fada &
aperta Re-
gina adal-
teria.*

*Nonæ
Nouéb.*

aulæ ministris interdictū est, ne quis ad-
uenienti assurgeret, hospitio cederet, vel
ad se, in vnā saltem noctem, reciperet.
Cū verò Morauij (qui postea Prorex fuit)
Reginæ suspecta esset humanitas, agit
cum vxore eius, vt properè domum re-
deat, morbūq; simulet, ac statim decum-
bat, vt saltem hoc prætexit Rex exclude-
retur, per occasionem aduersæ valetudi-
nis. Ibi cum omnibus humanitatis offi-
cijs constitueretur, postridiè in antiquam
solitudinem cum summo animi marore,
reueritur. Interim dum Rex in illa om-
nium & rerum, & amicorum inopia, vix
precarium inuenit gurgulium, Bothue-
lius ex ædibus, vbi antea diuersabatur,
velut de Rege triumphans, per ora vulgi
in hospitium Reginæ transfertur in coe-
naculum inferius, sub eo in quo Regina
decumbebat. Ibi cum adhuc laborarent,
illa è morbo, ille ex vulnere, Regina, in
summa corporis infirmitate, tamen eum
quotidie inuisebat. Et cum uterq; pau-
lulum conualuissent, nondum satis firmis
viribus, ad consuetam redierunt palæ-
stram: idq; adeò apertè, vt nihil magis
timere viderentur, quàm ne ignota esset
sua nequitia.

Circa Nonas Nouembres cum Ied-
burgo in victim, nomine Calco transisset,
ibi Literas à Rege accepit. Quas cum
legisset

legisset corā Prorege, Comite Huntseio,
 & Secretario, vultu tristi, miserabiliter se
 crucians, ac si in pristinum esset recasura
 morbum, planè ac disertè pronunciauit,
 nisi aliqua ratione à Rege liberaretur, vi-
 tam sibi nullo modo fore vitalem. Ac si
 alia ratione non posset, potius quàm in
 illis molestijs viueret, sese sibi manum il-
 laturam. Proximis deindè diebus, dum
 per Merciam rediens, apud Coldingami-
 am commoratur, Reresia, dum per excu-
 bias transit, agnita, ac dimissa est. Quos
 autem habuerit comites, aut quò id noc-
 tis iret, Reginae non est ignotum. Indè
 cum circiter finem Nouembris, venisset
 ad Cragmillarium (ea arx ad duo passuū
 milia distat ab Edinburgo) ibi præsenti-
 bus Comitibus Moraviae (qui postea Pro-
 rex, nunc & ipse occisus est) Huntleia, &
 Argathelia, & Secretario, in superioris
 tēporis incidit orationē: ac rationē etiā
 qua id fieret, vt sibi videbatur, cōmodissi-
 mā subiecit. Vt videlicet litē de diuortio
 aduersus Regem intenderet: neq; dubi-
 tabat, quin id faciliè fieri posset: cum eo
 consanguinitatis essent gradu, qui iure
 Pontificio vetitus esset matrimoniū con-
 trahentibus: literis (quod facile erat)
 de medio sublatis, quibus ea lege solue-
 rentur. Hic cum quidam Scrupulū inie-
 cisset, id si ita transigeretur, eorū filium

*Regina li-
 berationem
 expetit a
 Rege.*

*Reresia Re-
 gina nunciū
 iterū emit-
 titur.*

Nouēb.

*Regina sub
 consanguini-
 tatis pra-
 textu regi
 intendit
 actionē di-
 uortij.*

Spurium

*Consilium
de occiden-
do Rege a-
gitat Re-
gina.*

spurium fore, quippe qui extra matrimo-
nium natus esset, præsertim cum neuter
parentum causas, quæ irrita facerent ma-
trimonia, ignoraret. Id responsum, cum
paulum in animo secum versasset, ac sci-
ret verum dici, & consilium de filio tol-
lendo aperire non auderet, propositum
de diuortio abiecit: nec tamen vnquam
ab eo die Regis perimendi consilium o-
misi, uti ex hijs, quæ sunt sequuta, facili
intelligi potest.

Rex Sterelino ad Cragmilarium re-
uersus, cum existimaret eam placabiliorẽ
erga se fore, iracundia paulum spatio tem-
poris mitigata, adeo nullum animi mu-
tati sensit indicium, ut nihil ei in quoti-
dianos vitæ vsus, nisi Sterilini maneret,
erogaretur. Quæ res vehementer auxit
pronam sua sponte vulgi suspicionem de
quotidiana Reginæ cum Bothuelio con-
suetudine. Sub initium ferè Decembris,
cum Legati venissent è Gallia & Anglia
ad Baptismum eius, qui nunc Rex est,
celebrandum, hinc ut Bothuelius inter
Proceres conspicuus esset, ipsa, partim ei
ad vestimenta coemenda, pecuniam ero-
gabat, partim de Mercatoribus emebat:
omnibusq; conficiendis tanta diligentia
præerat, q̃ si, nõ dico vxor, sed ne ancilla
quidem foret. Interea legitimus eius ma-
ritus, in filij Baptismo, nõ modo subsidio
eius

Decẽb.

*Baptismus
filij è Regi-
na nati.*

*Studiũ Re-
gina in or-
nando Both-
uelio.*

eius ad sumptus faciendos destitutus, sed in conspectum Legatorum prodire vetitus, ministri quotidiani ei detracti : Nobilitas tota sequi, obseruare, ac propemodum agnoscere prohibiti : Legati exteri moniti, ne cum eo colloquerentur : cum interea maiorem diei partem omnes in eadem arce diuersarentur . Homo adulescens ita contemptim & inhumaniter habitus sic animum despondit, vt Sterilino relicto, Glascuam ad patrem proficeretur, discedentem Regina solito prosequitur odio . Vasa argentea, quibus à nuptijs ad eum vsq; diem vsus erat, auferunt vniversa, ac Stannea supponit . Sed hoc ad contemptum pertinuerit . Quæ secuta sunt, inhumanæ feritatis, & implacabilis odij manifesta sunt argumenta . Antè quàm mille passus Sterilino abesset, tam vehemens dolor simul omnes corporis partes afflixit, vt facile appareret non à vi alicuius morbi, sed ab humana fraude id profectum . Cuius fraudis indices liuentes pustulæ, cum Glascuam venisset, toto corpore eruperunt, tanto cum dolore, & omnium partium vexatione, vt exigua vitæ spe duceret spiritum : cum interim Regina nè Medicum quidē eum adire sit passa .

*Regina ornamentis
Et suppellectile Regē
spoliat.*

Ha pustularum eruptiones facili veneni suspicionem arguunt.

Ceremonijs Baptismi peractis, egit cum fratre Morauio, vt quando Comitē
B. iij. Bedfordiæ,

*Comes Bedfordia Reg.
Anglia in
Scotia Legatus.*

*Regina &
Bothuelij
Iucata con-
silia, &
furtius con-
gressus.*

Bedfordia, Regina Anglorum Legatum, ad fanū Andreæ deducturus esset, a Bothuelio peteret ut is quoq; vnā proficisceretur. Qui liberaliter quidem promisit: etsi & ipse, & Regina illius commentum author, nihil minus cogitaret: quod & euentus facile ostendit. Nam simul atq; Rex Glasquam, alij fanum Andreæ versus profecti sunt, ipsa cum Bothuelio suo ad Drumenu abijt, inde Tilebarnium. Quibus in domibus circiter octo dies transegerunt ita in cunctis coenaculis, & familiari accessu, ut omnes (præter ipsos tam proiecti pudoris) contemptus, & neglectæ famæ vilitas vehemēter offenderet; cum iam nè velum quidem suæ nequitiae eos obtendere viderent.

An 1567
Ianuar.

Historia d. f. 21.

Cum sub initium Ianuarij Sterilinū redissent, Regina cœpit causari ædes, in quibus filius educabatur, incommodas, quod in locis frigidis & humidis, puero à pituita esset periculum. Sed facile apparebit, alio animo id fieri: cum & omnia quæ causabatur vitia ab illis adibus abessent, & in eis, quo puer ducebatur, adessent: utpotē in loco humili & etiam pakultri sitis. Puer igitur vix septimum ingressus mensem, aspera hyeme, Edinburgum ducitur. Ibi, quoniam primus copatus parum successerat, & veneni vis naturali

naturali corporis firmitate, victa erat, vt
 aliquandò pareret quod tam diu partu-
 rierat, noua de eade Regis init consilia.
 Ipsa Glascuam proficiscitur: causa itine-
 ris prætenditur, vt Regem viuum inuise-
 ret, cuius toto mense superiore, mortem
 expectauerit. Quæ autè vera fuerit illius
 profectionis causa, facillè ex literis eius
 ad Bothuelium, quiuis intelligat. Iam se-
 cura de filio, quem in potestate habebat,
 tota in mariti exitium imminens, it Glas-
 cuam, comitata Hamiltonijs ac alijs pa-
 ternis Regis inimicis. Bothuelius, vt con-
 uenerat, quæ ad scelus perpetrandum
 visa sunt commoda apparat: Inprimis
 ædes neq; commodas ægroto, neq; Regi
 decoras (erant enim laceræ, ac ruinosæ)
 vt in quibus nemo aliquot annis habita-
 uerat: loco infrequenti, inter duorum
 Templorum ruinas, circum pauca pau-
 perum mendicabula. Et ne vlla sceleris
 patrandi commoditas abesset, posticum
 in muro vrbs ædibus coniuncto aperi-
 tur, vt in agros etiam essent peruia. In
 loco eligendo, salubritatis rationem ha-
 bitam videri volebat: id quoq; ne finxisse
 videretur, ipsa biduo eo, quod cædis
 diem præcesserat, in canaculo inferiore
 sub Regis cubiculo pernoctauit: ac velut
 sedulo suspiciones ab se amoliebatur,
 ita cædis ministerium alijs libenter de-
 legari

*Regina filij
 vitam ge-
 nera petis.*

hilo

*De tollendo
 Rege via
 præstruitur
 a Regina
 et Bothue-
 lio.*

legari volebat.

*Arox si-
multas in-
ter Regem
& Robertū
Regina fra-
trem per
Reginam
excitata.*

*Morauus
secessionem
ab aula fa-
cit.*

Triduo ferè priusquàm Rex interiit, Robertum fratrem suum cum eo cōmittere tentauit: vter eorum periisset, pro lucro habitura. Pro semine discordiarum, Regina, sermonis quem Rex secum de fratre habuisset mentionem iniecit. Et quum vterq; ita differeret, vt alterum videretur arguere mendacij, tandem à verbis penè ad ferrum deuentum est. Sed cum vterq; iam manum capulo admoueret, Regina velut metuens nè fieret, quod expetebat, Morauium alterum fratrem aduocat: vt illi quoq; vel in præsentia exitium, vel in posterum crimen strueret. Cùm illac res non succederet ex sententia, aliam deriuandi criminis rationem commenta est. Morauus cùm abesset ab Aula libenter, tum etiam iustam absentiae excusationē haberet, quod vxor partui vicina, graui prætereà morbo laborabat: Intereà, cum à Duce Sabaudia Legatus adesset, is color visus est Reginae idoneus, vt fratrem accerferet. Vera autem reuocandi eius causa erat, quod in eum, & Mortonij Comitem, eadem Regis transferre volebat. Et eadem opera homines populares, & tyrannidem molienti aduersarios tolli volebat. Sed Morauio diuina clementia, quæ sæpè antea plurimis inimicorum eum insidijs liberauerat,

uerat, tum quoq; manifestè affuit. Nam
die dominico, qui nonus erat Februarij, **Februar.**

cùm in templum ad Concionem iret, li-
tera ad eum afferuntur, vxorem abortû
fecisse, ac in exigua spe vitæ animam du-
cere. Hoc nuncio repentino perculsus, *Moranius*
cum à Regina Comeatum peteret, ea re- *reuscatu*
spondit, si res ita se habeat, superuacuum *ac dei bene-*
fore laborem itineris, vt qui nihil ægrotae *ficio a per-*
profuturus esset. Sed cùm ille vehemen- *petrata co-*
tius vrgeret, illa contra petit ab eo, vt ea *dis omni li-*
tantum nocte maneret, postridiè ad vxo- *beratus su-*
rem abiret. Sed diuina (vt sæpè aliàs) cle- *spitione.*
mentia, hominem innocentem & præ-
senti periculo subtraxit, & calumniarum
in posterum semina sustulit. Quanquàm,
nè sic quidem, etsi suspicionum causæ ab-
erant, calumnia caruit. Nam Huntleius *Huntleius,*
& Bothuelius, cùm verè non possent, *& Bothue-*
sparsis Libellis famosis, maculam foedis- *lus cædis*
simi sceleris ei aspergere conati sunt: & *Regia Mo-*
cùm cædes post mediam noctem esset *rauium &*
perpetrata, antequàm illucesceret, per *Mortonium*
idoneos homines, rumores per Angliam *falso insi-*
diffeminarūt, qui cædis authores Mora- *mulant.*
uium, & Mortonium perferrent. Sed is
rumor, luce veritatis oborta, vt falsa ferè
solent, confestim euanuit.

Omnibus rebus ad crudele facinus
apparatis, occasionibus autem deriuand-
i criminis præcis, veriti popularis con-

C. ij. iurati-

*De morte
 & cæde
 Regis tota
 trægedia
 & coniu-
 ratio expo-
 nitur.*

*Regina quo-
 modo se ge-
 rit ante ne-
 cem Regis.*

*Paris, Gal-
 lus minister
 coniurati-
 onis & so-
 cius.*

iurationis ne mora, aut impedimentum
 afferret, aut occulta consilia nudaret, pro-
 perandum statuunt. Regina igitur post-
 quàm cœnauisset, de more, ad Regis di-
 uersorium conscendit. Ibi cum nihil o-
 mittere statuisset, quod reconciliari amo-
 ris indicium fore videretur, aliquot ho-
 ras cum eo transegit, vultu & sermone
 magis familiari, quàm superioribus sex
 aut septem mensibus consueuerat. Ad-
 uentu Paridis, colloquium dirimit, ac
 reditū adornat. Erat autem Paris iuue-
 nis, natione Gallus, qui in familijs Both-
 uelij, Setoni, ac deinde Reginae, aliquot
 annis vixisset. Is, cum cœteræ diuersorij
 Clauēs penes Regios ministros essent, cō-
 fictis causis, neq; satis iustis, nec idoneis,
 clauēs anterioris Ianuæ, & posticæ, à
 Bothuelio retentas custodiebat. Huic
 summa erat secretorum inter Bothueliū
 & Reginam fides. Eius aduentus, indici-
 um (vt conuenerat) erat, omnia ad faci-
 nus apparatus. Eo igitur conspecto, Regi-
 na statim assurgit, atq; aliam abeundi
 causam simulans, Ego, inquit, in Sebasti-
 anum vehementer deliqui, quæ in nuptijs
 eius hodiè personata non affuerim. Erat
 is Sebastianus, Aruernus genere, homo,
 & ob pfallendi peritiam, & Sales, Reginae
 admodum gratus, & eo ipso die vxorem
 duxerat. Rege propemodum solo in soli-
 tudine

Paris pfallit

tudine illa relicto, Regina discedit, Comitibus Argathæiæ, Huntleiæ, & Castiliæ eam deducenibus. Reuersa in cubiculum, post mediam nocte satis longo sermone cum Bothuelio collocuta, cum vir nemo, præter custodum corporis præfectum, adesset. Hoc quoq; secedente, Bothuelius sine arbitris relictus, paulò post in suum cubiculum recedit: vestem, ne ab obuijs agnosceretur, commutat: penulam laxiorem, qualis Germanorum equitum est, superinduit, & ad destinatum scelus, per excubias, progreditur. Quæ autem fuerit facinoris conficiendi tota ratio, ex eorum confessionibus, qui eo nomine poenas luerunt, facile intelligi potest.

Peracto, cuius causa profectus erat, facinore, Bothuelius redit: ac tanquam omnium quæ gesta erant, ignarus, in cubiculum. Regina interea exitus expectatione suspensa, mirum quam (vt ipsi videbatur) venustè suas partes egit. Nam nec ad fragorem ruentium ædium, qui totam urbem concusserat, quicquam commota, nec ad vulgi, quæ sequuta est, trepidationem, dissonosq; clamores (nihil enim opinor ei noui acciderat) donec Bothuelius iterum è lecto, trepidum se simulans, affurgit, & ad eam vnà cum Comitibus Argathæiæ, Huntleiæ, & Atholiæ, item

C. iij.

cum

Nocturna
colloquia
Regina cū
Bothuelio
ante Regis
interitum.

lata ratio

Bothuelius
penulatus
per excubi-
as ad cædē
Regis profi-
ciscitur.

Horrendum est
audire prolatum

*Cubiculum
Regis pul-
uere sulphu-
rio a fun-
damentis
concussum.*

*Regina quo
animo quo
Vultu &
gestu mortē
mariti ac-
cepit.*

cum vxoribus Comitū Atholiz, & Mar-
riz, & Secretario, adierunt. Ibi dum pro-
digiosum facinus narratur, dum pro se
quisq; factum miratur, Regis diuersorium
ab imis vsq; fundamentis in aera subla-
tum, Regem ipsum mortuū. In illo max-
imo stupore & trepitatione omnium or-
dinū, animus ille heroicus Regina adeo
non in humiles lamentationes, & inde-
coras regio nomini, sanguini, ordini, la-
chrymas se proiecit, vt priorum tempo-
rum omnem constantiæ fidem, vel aqua-
rit, vel superarit. Illud quoq; ab eadem
animi magnitudine profectum, quod ma-
iorem eorum, qui aderant, partem explo-
ratur rei gestæ ordinem mittit, stationes
militum sequi iubet. Ipsa deindē se ad
quietem componit, vultu adeo tranqui-
lo, atq; animo imperturbato, vt ad meri-
diem vsq; diei insequentis, placidē con-
quieuerit. Sed nē omnis humanitatis ex-
pers in mariti morte videretur, paulatim
tandem clauditur, luctus breui finiendus
indicitur. Vulgus, incertum lugeat an ri-
deat, in diuersas cogitationes distrahitur:
cū iuxta periculosum esset, simulationē
zulicam vel agnoscendo, palām contem-
nere, vel malē simulando, videri agnos-
cere. Cū alius aliorum sermo, pro cu-
iusq; captu, & ingenio, esset: de quæsti-
one interim decernenda nulla sit mentio:
Tandem,

Tandem, postridiè, paulò post meridiem, cū & pudor, & timor eos cogeret, princeps author facinoris Bothuelius, cum aliquot conscijs, conueniunt ad Comitē Argatheliæ, quòd is rerum capitalium perpetuus quæstor esset. Primum, tanquàm omniū quæ gesta erant ignari, rem nouam, antea inauditam, incredibilem mirantur. Deinde quæstioni paulum vacare incipiunt: pauperulas aliquot è vicina mulierculas conuocant. Quæ incertæ vtrum expediret magis, loqui, an tacere, etsi sermonem temperarent, tamen cū plus effutiuiſſent, quàm expectabāt iudices, tanquàm temerè loquutæ dimittuntur. Earum enim testimonia, etsi quosdam vrebant, facilè erat contemnere. Accersuntur domestici Regis, quos ~~ca~~ calamitas non absumpserat: negant clauēs in sua potestate fuisse. Quis igitur eas habebat? aiebant Reginam. Differtur quæstio in speciem, re vera suppressitur: nè si longius progredierentur, aulæ secreta in vulgus prodirent.

Ne tamen res neglecta videretur, proponitur Edictum, præmia decernuntur indicibus. Sed quis auderet Reginā, aut ~~simulatis~~ (quòd penè periculosius erat) Bothueli- ~~adictis~~ ~~su-~~ ~~catum.~~ arguere tam nefandī facinoris? præsertim cū ipse idem author, iudex, quæstor pœnæ, exactor esset futurus. Hic ta-

C. liij. men

*De morte
Regis Vix
Vlla quæstio
aut perue-
stigatio de-
cernitur.*

*Indicibus
f.
3*

*Libellis &
picturis sce-
leris autho-
res notari.*

quid int.

*Vulgi ru-
mores con-
tra Reginā,
& Bothue-
lium passi-
m dissipati.*

*Sanum e-
dictum con-
tra pictu-
ras, &
Bothuelij
calumniato-
res.*

men metus, qui singulorum ora comprimebat, vniuersos continere non poterat. Nam & Libellis propositis, & picturis, & nocturnis per tenebras clamoribus effectum est, vt facinoris authores facile intelligerent arcana sua illa in vulgus prodijisse. Et cum nemo dubitaret qui scelus designassent, qui operas contulissent, quanto magis ipsi sua nomina suppressere conabantur, tanto magis vulgi dolor inhibitus erumpebat. Hæc etsi se contemnere simulabant, tamen interdum eos adeo ad viuum rumores simulabant, vt suum dolorem dissimulare nequirent. Itaq; antiquata de morte Regis quaestione, subit altera, multo acrior, aduersus libellorum authores, & Bothuelij (vt ipsi dicebant) calumniatores. Quæ adeo seuerè exercebantur, vt neq; pecuniæ, nec hominum, nec equorum labori parceretur. Pictores omnes conuocantur: qui scripturam facerent ad vnum accersuntur, vti de picturis & libellis propositis, iudicarent. Ac nisi pictor quidam se eum esse, de cuius opere contenderetur, professus fuisset vltro, alter innocens, leui suspitione attractus, poenas daturus erat. Additur quaestioni conueniens Edictum, quo, non proponere modo, sed propositum ab alio legisse, capitale erat. Sed nec isti, qui capitalis poenæ cominatione sermones vulgi compescere

compescere studebant, saevissima Regia morte satiati, odium erga mortuum remittebant. Bona defuncti, arma, equos, vestes, reliquamq; suppellectilem Regina, aut eius interfectoris, aut paternis inimicis (non secus ac si in fiscum relata fuissent) diuisit: paternosq; eius subditos, velut praeda accessionem, penè ad extremam regedit inopiam.

Illud verò crudelitatis nouum, & inauditum fuit exemplum, quòd velut animi supplicio, ita oculos spectaculo trucidati corporis, pascere voluit. Spectauit enim, nò modò secura, sed etiam audi, corpus omnium huius ætatis pulcherrimum. Deindè repente, sine vllò fu-

neris honore, nocte per Baiulos, vili feretro, propè Dauidem Rizium sepeliendum curauit. Hæc cum omnibus nota essent, & minas poenarum populi indignatio, dolendi libertas metum vicisset, paulatim domi vultum fingere, & simulatione luctus, populi offensi animum placare conatur. Nam cùm in more esset,

priscis vsq; temporibus, vt Regina post maritorum obitum, quadraginta dies nò modo cætu hominum, sed lucis etiam abstinerent aspectu, simulatum quidem luctum est aggressa: sed animi superante lætitia, foribus quidem clausis, fenestras aperit: & abiecta lugubri veste, intra

D. j.

quar-

*Dira crux
delitatis
exemplum
in Regina
erga mari-*

*Dira crux
delitatis
exemplum
in Regina
erga mari-*

*Rex sine fu-
neris hono-
re, nocte
prope Da-
uidem Rizium
sepelitur.*

*Luctus Re-
gina simu-
latus.*

op. m. l. g.

xl. l. g.

henricus Kilg

*Regina lu-
ctu longe
ante tem-
pus abiecto
sefe iterum
reficit cum
Bothuelio.*

quartum diem solem, coelumq; aspicere
sustinuit. Illud incommode prorsus eue-
nit, quod cum Henricus Kilgreus, ab An-
glorum Regina ad eam consolandam (ut
mos est) venisset, tota simulationis scena
ab homine peregrino detecta est. Nam
cum, Regina iussu, in Palatium venisset,
quanquam homo diu in aulis principum ver-
satus, ac minimè præceps nihil propera-
ter ageret: tamen adeò inopportune, thea-
tro non dum ornato, interuenit, ut fene-
stras apertas, lumina vix dum accesa, cœ-
terum histrionicum apparatus disiectum
apprehenderit. E quadraginta verò die-
bus, qui legitimi sunt luctui, duodecim
ægrè, ac non plenè transactis, cum nec
simulatio procederet, & affectus veros
tam citò prodere pueret, tandem, con-
firmato animo, contemptis huiusmodi
nugis, ad se redit, ac veros mores profi-
tetur. Ad Setonum cum paucis, nec ijs
adeò mællis comitibus, aduolat. Ibi
Bothuelius, quanquam summa, qua tum
erat in Aula gratia, & maiorum nobili-
tas, & honores postulare viderentur, ut
splendidissimè, secundum Reginam, acci-
peretur, tamen proximum Culinæ cubi-
culum ei datur: neq; tamen omnino in-
commodum ad luctus minuendos: erat
enim Reginae cubiculo subiectum, & si
quid repentini doloris accidisset, scalæ
erant

erant angustæ quidem illæ, sed quæ adi-
tum tamen Bothuelio ad eam consolandam præberent.

Interea rumore in Galliam perlato,
Crocus (qui sæpè antea in Scoria Legati-
onibus erat perfunctus) interuenit, quan-
quàm omninò incommode. Eius iussu,
ex illo, etiam in Gallia infami latibulo,
Edinburgum reditur. Sed apud Setonum
tot commoditates habebat, vt vel cum
fama dispendio, eo redeundum esset: ibi
consilia, magnis Regni de rebus, aguntur.
Omnis autem consultationis illud caput
erat, vt Bothuelius cœdis reus ageretur,
ac per coactos ad id iudices, purgaretur.
Leuiore iudicium gratia & sollicitatio-
nibus: grauiore, quos ad speciem addi-
oportebat, metu ad eum absoluendum
posse adduci. Nam præter Libellos passim
sparsos, & Regis pater, Leninæ Comes,
eum palam cœdis authorem deferebat.
Sed instabat ordinum conuentus ad 13.
Aprilis: ante quem diem iudicium pera-
gi volebant. Ea festinatio in causa fuit, vt
nihil iure, nihil ordine, nihil more ma-
iorum, in eo iudicio fieret. Accusatores
de more citari debebant, proximi, vxor,
pater, filius: vt vel ipsi adessent, vel pro-
curatores mitterent: legitimi erant qua-
draginta dies: pater adesse ante 13.
diem iussus, idq; suæ amicorum aduo-

D. ij. catione,

Realis

Comes Legat

lib. 20m.

*Comes Le-
ninæ Regis
pater Both-
uelium Re-
gia cœdis
reum peraa-
git.*

April.

fol. 500.

*Iudiciū de
eade nullo
ordine, nul-
la seruata
iuris forma
tumultua-
ria festina-
tione cōtra
Bothueliū
instituitur.*

*14026. In iudiciis
cōstituendis
nullus habi-
tus delec-
tus, nec per-
missa reie-
ctio.*

*Comes. Cas-
siliffa.*

*In die 14. mē-
sis Martij.*

eratione, cum sua tantum familia, quæ, in
summa eius inopia, ad paucissimos erat
reducta: Cū interea Bothuelius cum
magnis agminibus tota vrbe volitaret.
Et quia neminem, tam certo periculo
proposito, putabat accusationi subscrip-
turum (tanta erat apud eum negligentia,
tantus legum, & iudiciorum contemp-
tus) vt constitueretur iudicium de eade,
quæ nono die facta diceretur, cū deci-
mo Februarij Rex fuisset interemptus.

In iudicium lectione, & reiectione, eade
fuit seueritas: à Sicarijs ipsis iudices le-
cti, cum nemo esset, qui reijceret.

Comes Cassiliffæ, cum multam, de
more, soluere mallet, quàm iudex legi,
neq; Reginae roganti, minantiq; , & an-
nulum, ad fidem faciendam & precum
& minarum mittenti, pareret, metu tan-
dem relegationis, & poenæ coactus, de
sententia discessit. Sedent iudices non

lecti ad decernendum, sed selecti ad ab-
soluendum: agitur causa siue aduersario:
iudicium capitis, in quo nemo accusat,
nisi à reo suppositus: vt non in foro cau-
sam, sed in Theatro fabulam agi putares.
In tanta rerum securitate (videte quæso
quantum valeat in vtramq; partem con-
scientiæ testimonium) prodijt de re-
pentè, ex inopinato, Iuuenis è familia
Comitis Leniniæ, apud quem officij ratio
vicit

vicit metum periculi. Is protestatur eum
 confessum iudicum non esse: quippe in
 quo nihil iure, nihil ordine ageretur. Ad
 hanc vocem tantus metus est iniectus iu-
 dicibus, vti omnes vno ore protestaren-
 tur, nè sibi aliquando fraudi esset, quòd
 reum absoluerent, cuius nemo esset accu-
 sator: Itè quòd cædis eum absoluissent,
 quæ facta diceretur nono Februarij, cum
 Rex decimo die esset occisus. Hoc est il-
 lud nobile iudicium, quo Bothuclius, nõ
 crimine liberatus, sed velut atramento
 Sutorio lotus, nuptias Reginae honestius
 ambire volebat: turpior maritus futu-
 rus, quàm antea fuerat mæchus. Ad cu-
 mulum huius absolutionis, propositus est
 libellus in celeberrimo fori loco, Both-
 uclium, etsi legitimo iudicio à cæde, cu-
 ius falsò arguebatur, legitimè purgatus
 esset, tamen, quo sua innocentia omnibus
 foret manifestior, ferro decernere para-
 tum, si quis integra fama, & honesto loco
 natus, eum Regiæ cædis insimularèt. Nec
 defuit qui postridiè, per libellum publicè
 propositum, acciperet conditionem, mo-
 do locus certamini decerneretur, in quo
 sine metu nomen auderet profiteri.

In hoc motu animorum, conuentus
 ordinum habetur. Ibi, cum per octo ferè
 dies de tollèdo iudicio, quo pater Hunt-
 leij maiestatis erat damnatus, ac filio resti-
 tuendo

*Protestatio
 contra iu-
 dicium.*

*Protestatio
 iudicium.*

*Bothuclius
 in iudicio
 absoluitur,
 ubi nemo
 accusare
 audet.*

*Bothuclius
 in causa de-
 fensionē ad
 monoma-
 chiam pro-
 uocat.*

*Parlamen-
 tū in Scotia
 celebratū.*

Romana

*Regina post
Regis obi-
tū, nuptias
ambit cum
Bothuelio,
viuente ad-
huc Both-
uelij vxore.*

*Regina cal-
lidissimo
commento
diuortium
serit inter
Bothueliū
eiusq; con-
iugem.*

tuendo in bona & honores paternos, ac-
tum esset : nonnulla item blandimenta
plæbi concessa : ac inprimis Ecclesiæ, vt
leges aliquot papisticæ tyrānidis, de pœ-
nis eorum qui contra decreta Romanæ
sedis mutire auderent, tollerentur . Hæc
etsi in vulgus grata erant , vnum tamen
supererat, quod non minus Reginam an-
geret , quàm populum offenderet : con-
fuctudo videlicet illa cum Bothuelio, nec
tam palam, quàm Regina cupiebat, nec
tam occulta, vt populum falleret : præfer-
tim omnium oculis in eos coniectis . Nam
cum Bothuelius vxorē haberet, & diuor-
tium expectare longum esset, & interea
Reginā nec palam habere, nec clam poti-
ri, nec omnino eo carere posset, velamen-
tum si non honestū, saltem aliquod qua-
ritur . Et cum nihil aliud succurreret, in-
primis lepidum commentum visum est,
vt Bothuelius Reginā per vim raperet,
& ita eius pudori confuleret . Igitur pau-
cis post diebus, dum Sterilino redit Re-
gina, à Bothuelio capta Dumbarum duci-
tur . Volens ne, an inuita, ex literis ad eum
itinere scriptis, facile quinis intelliget .
Sed, vt, vt, res erat, vt iraptus iniuria nup-
tiji honestis aboleretur, Bothuelij vxor
cogitur in duplici foro de diuortio litem
intendere .

Apud iudices autoritate Regia dele-
gatos

gatos ad ius dicendū in hoc genere casu-
 sarum, accusat vxor maritum de adulte-
 rio, quæ vna iusta apud eos erat diuortij
 causa. Apud iudices papisticos ordinum
 quidē decreto vetitos, tamen ab Archie-
 piscopo sancti Andree ad hanc causam
 cognoscendā datos, accusatur, quòd antè
 matrimonium, cum propinqua vxoris,
 stupri consuetudinem habuisset: cæato
 interim pontificis Romani diplomate,
 quo venia eius culpæ facta erat. Nulla di-
 uortio, nec in testibus, nec in iudicibus,
 mora. Intra enim decimum diem, lis su-
 sceptha, incepta, cōtestata, disceptata, diju-
 dicata est, apud vtrosq; iudices. Relata ad
 Dumbarum diuortij sententia, Bothueli-
 us omnes amicos & clientes vndiq; con-
 uocat, vt Reginam, quæ captiua videri vo-
 lebat, Edinburgum reducerent. Hij cum
 armati plariq; conuenissent, in itinere
 dum Reginam reducunt, metus multorū
 animos perculit, nè aliquandò accusari
 possent quòd Reginam captiuā tenerent.
 Vt cœtera desint, hoc vnū satis argumen-
 ti esse, quòd armati circa eam, in rebus ac
 temporibus alioquī pacatis, essent. Hoc
 scrupulo iniecto, abijciunt omnes in me-
 dio itinere lanceas: & pacatiore, saltem
 in specie comitatu, eam in Arcem Edin-
 burgensem ducunt. Quæ & ipsa in Both-
 uelij potestate erat. Ibi cum Bothuelio

D. iij. commo-

*Regina per
 vim sese
 rapti pati-
 tur a Both-
 uelio.*

*Bothuelij
 vxor prop-
 ter raptum
 Regina co-
 gitur litem
 diuortij cō-
 tra maritū
 persequi.*

*Bothuclius
ex turpi
macho, tur-
rior mari-
tus, turpis-
simus vero
homicida,
nuptias cū
Regina con-
ficit.*

*Maij.
Iunij.*

*Bothuclius
tanquam
publicus
parricida
ad supplici-
um a proce-
ribus de-
pescitur.*

commorata, dum Bannæ quas vocant de-
nunciarentur, tū demum ex arce in op-
pidum descendit, & ad consilium publi-
cum iudicum accessit: pronunciant feli-
beram, ac sui iuris. Ac ita demum innup-
tas illas nuptias intra diem octauum con-
fecit (omnibus bonis eas adeo execranti-
bus, aut certè abominantibus) vt Cro-
cus Regis Francorum Legatus, homo Re-
ginæ studiosissimus, & Gutianæ etiam
factionis, & in propinquo habitans, licet
multum rogatus, non existimaret è sua
dignitate ad coenam adesse. Hæc ad 15.
Maij. An. 1567. acta sunt. Decimo quinto
verò proximi Iunij, Bothuelio, vel con-
scientia sceleris perterrita, vel ab Regina
ablegato, ipse ad Proceres, qui parricidæ
publicū ad suppliciū deposcebant venit.

Quæ ab eo die gesta sunt, non admo-
dum ad præsentem causam pertinent. Et
quanquam longior fortasse, vestra opini-
one, mea fuit oratio, tamen faciliè sen-
tio, dum exitū aliquem narrationis
quæro, multa me præterisse,
plurima festinandi studio
leuiter percurrisse, ni-
hil ferè pro scele-
ris atrocitate
explicasse.

Salva p[ro]prio fatis dixisti.

Actio

Actio contra Mariam
Scotorum Reginam in qua
ream & consciam esse eam
huius parricidij, necessa-
rijs argumentis euincitur.



*Hæc cum & literis, & te-
stibus ita teneantur, &
in totius populi conscien-
tia sic hæreant, ut nec*

*Actio, in
qua Regina
Scotia ar-
guitur par-
ricidij.*

*qui maximè occulta ea cuperent, infi-
ciari tamen possint: Quis locus inge-
nio hîc relinquitur? aut quis dili-
gentiæ usus esse potest, in re perspi-
cua vel confirmanda, vel refellenda?
Omnia enim tam clara, tam mani-
festa, tam mutuis viribus nixa sunt,
ut externis probationibus nō egeant:
omnia tam testata, ut argumentis
non sit opus. Nam si quis à me, quod
in alijs causis fieri solet, tanti sceleris
causas requirat, possem quoq; de eo
vicissim quærere, cū de tempore,*

E. i. cum

cum de loco, cum de facto, cum de auctore constet, quorsum opus est in causis excutiendis immorari? aut quibus facultatibus res gesta sit, inquirere? Rursus cum tot odiorum cause suppetant, tot indicia se sponte proferant, ut rebus etiam incertis fidem facere possent, supervacua tam longa rei gestae explicatio videri poterit. Sed tamen cum tanta sit & sceleratorum in negando impudentia, & impudentium in fingendo confidentia, experiamur quibus armis veritas, aduersus haec monstra, tueri possit innocentiam. Igitur si causas tanti facinoris quærat, dico fuisse in expiabile odium. Quaro ab istis odium ne fuisse negent? ac tantum fuisse, ut non nisi sanguine potuerit satiari? Si odium negent, illud respondeant: cur mulier adolescens, diues, nobilis, denique Regina, adolescentem formosum, propinquum, Regi item generis, & (quod

Odium Regina contra maritum implacabile demonstratur.

(quod maius est) amante, ab se ablegavit propè in exilium, hyeme aspera, in loca nec copijs abundantia, nec incolis frequentia, ac ferè semper latronibus infesta? Cur in Colles desertos & nudos, tenui viatico, in aperta pericula, propè nullo comitatu, dimisit? aut quid aliud, si maximè odisset, & è medio sublatum vellet, quid inquam aliud consulisset? At nihil tale timuit, credo. Sed ego istam animi securitatem, odij obstinati indicium esse arguo: præsertim cum & loca cognosceret, & pericula non ignoraret. In illa igitur loca maritum illum, cui non ita pridem nupserat, inuitis ciuibus, inuitis vtriusq; amicis, sine quo durare nõ poterat, quem vix è conspectu dimittere audebat, in mortem incertam, sed certa pericula amandat.

Queres ex me mutati animi causas? quid si me ignorare dicam, satis

E. ij.

est

Odij causa
exquirun-
tur.

Regina ip-
samet in li-
teris ad
Bothueliū
se se Medeā,
Bothueliū
Iasonem fa-
cit.

est ad id quod volo, monstrare odium
fuisse. Quid si ego quæram cur ado-
lescentem modo visum, tam impotē-
ter prius amauerit? Cur tam prope-
ranter nupserit, & immodicè hono-
rarit? Ita quarundam sunt ingenia,
præsertim quæ sua fortuna magni-
tudinem ferre non possunt, vehemē-
tes habent in utramq; partē affectus,
impotenter amant, immoderatè ode-
runt: & quocunq; inclinant, non
consilio reguntur, sed impetu ferun-
tur. Possem è monumētis vetustis in-
finita referre exempla, sed malo de se
illi credere. Reuocate in memoriam
partem illam Epistolæ ad Bothueliū,
qua se Medeam facit, hoc est, fæmi-
nam quæ nec in amore, nec odio mo-
dum teneat: possem & alias odiorū
(etsi non iustas) tamen quæ animum
impotentem impellere, & præcipitare
queant, causas proferre. Continebo
me tamen. Et, si per eam liceat, ut-
cunq;

cunq̃ de suis ciuibus merita est, quā-
rum per causam publicam licet, par-
cam eius honori: parcam etiam plus
quā per causam liceat. Omitto igi-
tur alias odiorum causas, illūc redeo,
odisse certum est, nec leuiter odisse.

Vultis etiam aliud odij argumen-
tum? vxor indulgens, quando con-
iugis non potest, Lena munus mari-
to se prastituram promittit. Fratris
uxorem potissimum delegit, quam
sui loco ei obijciat. Quam huius re-
pentinae mutationis causam esse exi-
stimabimus? Qua modo omnes su-
spitionum auras aduersus maritum
colligebat, & ubi verisimiles non
suppetebāt, affingebat manifestè fal-
sas: nec id, dum amaret, sed postq̃
odisse cæperat, sollicitè faciebat, cum
diuortij omnes quæreret occasiones,
Nunc offert vltro quam amet, studi-
um suum ostentat, operam pollicetur.

Quid causæ opinemur? ut marito,

E. ij. gratifi-

Aliud odij
argumen-
tum.

Regina spe-
ram lena
marito pol-
licetur.

gratificetur? at oderat, & si amaret, etiam in muliere facinus istud incredibile est. Vt Rex mutua stuprorum conscientia deuinctus, Riualem facilius ferret? at inuitus ferebat. Vt inuenta causa diuortij, vacuū Bothuelio thalamum relinqueret? hoc profecto petebatur. Sed nec hoc solum. Nullum in hac muliere simplex flagitium putatote. Oderat Morauij uxorem, eo odio quo omnes mali bonos oderunt. Vrebat eam dispar vtriusq; fama. Et maritum eius cum Rege committere volebat, vt duabus simul molestijs se liberaret. Videtis quot, quantasq; res, vna opera conficere conetur. Inimicum adulteri, & sua licentia moderatorem. & mari-

In vno Re-
gina facto
quot quan-
tasq; cōcur-
rent flagi-
tia.

Per scelera-
tas caedes et
discordias,
ad scelera-
tas nuptias
Regina ad-
ultera fe-
stinat.

tum inuisum, se sublaturam opina-
tur, dum, per scelerū tot diuersa ge-
nera, ad sceleratas nuptias festinat.

Quid illa Morauij, de multa
nocte, tam trepida vocatio? Diem
expectare

expectare non poterat? quæ tam sub-
 ita formidinis occasio? Timebat vi-
 delicet mulier concordia inter Pro-
 ceres studiosa, fratris amans, mariti
 amantissima, ne fratrem, de nocte,
 Rex, quem ipsa exarmauerat, aggre-
 deretur. Exarmauerat dico? imò
 omni honesto comitatu spoliauerat,
 quem iurgijs muliebribus laceffendū
 curauerat, idq; per vnam comitum
 suarum, non minus perfricta frontis,
 quàm profligata pudicitia. Metue-
 bat ne is adolescens, omnibus amicis
 destitutus, omnibus miserijs circum-
 uentus, inuaderet, de nocte. Quem
 hominem? Regina fratrem, fama &
 opibus florentem, summa apud om-
 nes ordines gratia. Vbi inuaderet?
 in arce munitissima, vbi nec ad fu-
 gam esset exitus, nec ad Regina mise-
 ricordiam aditus. Qua de causa in-
 uaderet? Inimicitia erant nulla,
 nisi quarū ipsa semen iecerat. Quid

E. iij. si id

Regina ex-
ecrabilis cō-
filio inimi-
citas inter
procures
disseminat.

si id ipsum maximè expetebat, quod
se maximè timere simulabat? Nam
alioquē cur fratrem, de nocte, inermem ad se aduocat? Cur non illud
saltem mouet, ut quia & prater, &
propter fores Regis eundum erat, ut
saltem arma capiat? Imò cur nō aut
periculi monuit, aut accersere in
proximum diem distulit? Sed longè
aliud agebatur. Regem à se, uti pu-
tabat, inflammatum odio Morauij
dimiserat. Itaq; non difficilè fore pu-
tabat, ut Rex recentī ira percitus,
etate præceptus, ob amorem credulus,
inmicum, nudum, incommitatum, in-
ermem conficeret: atq; ita Regem ad
eandem, ira inflammatum mittebat:
Morauium, nudum, & incommita-
tum, & incautum, in insidias præci-
pitabat. Hæc mens, hic animus eius
erat. Sed praua consilia, utcumq; cal-
lida, non semper sunt fœlicia.

Quid illud, quod post partum,
quo

quo tempore mulieres alia in mari-
 torum charitate maximè conquies-
 cunt, in aspectu allevamentum dolo-
 ris sentire se fatentur: quæ eo tem-
 pore maritum abigit, quid aliud fa-
 cere eam existimabimus, quàm,
 quod est apud comicum, præ amore,
 ut fit, eum excludere foras? At illa
 tenellula quæ maritum aut excludit,
 aut intromissum statim abigit, quæ
 ad eius conspectum nauseat, cui, eo
 præsentem, dolores oboriuntur, cum in
 Myoparone, cum piratis & latroni-
 bus erat per puppim, & duros gau-
 deat tractare rudentes, non iam qua-
 ro quem amet, quem oderit? Quòd
 etiam ad Aloam suæ voluptatis mo-
 lestum interpellatorè abegerit: quòd
 iterum Edinburgum ad se profectū
 reiecerit, non accuso: non mariti
 odio, sed animi sui causâ, fecisse cre-
 dam. Quòd rursus Iedburgi ad se
 non admisserit, ignosco. Cuius enim
 F. i. mortem

Alia odij
 manifestis-
 sima indi-
 cia.

aculm

Rex toties à
 Regina in-
 dignissima
 acceptus,
 reiectus, &
 ludificatus.

Inc. 216, 6

*Prodigiosa
Regina cr-
ga maritū
inhumani-
tas.*

mortem tantoperè expetebat, nō im-
meritō metuebat, ne vis morbi, in
conspēcto inualesceret. Quōd autem
vetuerit, ne quisquā eum hospitio
susciperet, ne quis cibo, potuē iuua-
ret: quōd propemodum aqua, & igni
interdixerit, odij profectō immanis
indiciū. Sed contagium etiam ti-
muisse videtur, si vel in vicino ma-
ritus versaretur. Quōd à Cragmil-
lario rursus Sterilinum eum remise-
rit, non queror. At quōd rebus om-
nibus spoliauerit: ministros abstule-
rit, sumptus imminuerit, nobilitatē
alienauerit, hospitum conspectu ~~cum~~
prohibuerit, & (quōd in ipsa erat)
cælum, solum, aeris haustum viuo
abstulerit, inhumanitatem, odium,
feritatem, an truculentiam appellem
dubito. Quōd autem Sterilino abe-
unti, vasa argentea abstulerit, ig-
nosco. Quid enim ei opus argento
erat, qui presentem in sinu mortem
efferret?

efferreret? Illud verò quantum omni-
~~um~~ indignationem conciuerit, cogi-
 tate: quòd cùm Rex in solitudine,
 squalore, & egestate versaretur, in-
 terim Bothuelius, tanquàm Simius
 in purpura, Legatis externarũ gen-
 tium ostentabatur: & æmulus, non
 minus in mariti inuidiam, quàm ob
 sui amorem, omnibus rebus ornatus
 produceretur: & is æmulus, qui nec
 genere, nec forma, nec ullis honestis
 artibus, esset ~~cum~~ marito comparan-
 dus. Hic velim odij fuisse negent
 indicia.

At quantum, & quàm implaca-
 bile id fuerit odium, vel hinc colli-
 gite. Maritus toties exclusus, toties
 cum ignominia dimissus, ad extre-
~~ma~~ redactus inopiam, in angulum
 extremum, procul ab aula, procul ab
 oculis hominum relegatus, ministris,
 & instrumento domestico spoliatus,
 & propemodũ victu necessario frau-
 F. ij. datus,

Odium Re-
 gine in ma-
 ritũ quàm
 implacabile
 & immane
 fuerit.

*Summa Re-
gis huma-
nitas, &
obsequia,
Summis in-
iurijs reta-
liata.*

17011111

datum, nullis iniurijs abigitur, nullo metu mortis deterretur: obsequijs, & patientia, immitis animi violentiam feritatem si non frangere, certe aliqua ex parte lenire conatur. Quid interim bona uxor, clemens Regina, & in calamitatibus hominum lenis, & misericors? Deo officijs, nec precibus, nec squalore, & sordibus mariti flectitur: neq; tempore mitigatur, nec satiatur supplicijs. Imò verò obsequio iritatur, precibus accenditur, & ad omnem eius aduentum nouam contumeliæ accessionem committitur. In quibus ubi omnem ingenij vim, & naturæ acerbicatem consumpsit: ubi miserum adolescentem, nec penuria pressum deficere, nec ab omnibus contemptum, & toties periculis obiectum tamen animum despondere, aut quidquam in se grauius consulere videt: tandem velut miserijs & supplicijs eius satiata,

ata, statuit illum arumnis, se molestijs, metu rivalem liberare: ac per idoneos eius rei ministros venenum ei dandum curat: ut videlicet absens, minore suspitione moreretur. Sed de veneno alio loco dicam.

Regina Ge-
nefica Vene-
no maritū
tollere laba-
rat.

Vbi hæc machinatio non satis ex sententia ei procedit, Glasquam ipsa proficiscitur: ut quem absentem tollere non poterat, præsentis præsens miserijs animum truculentū, & oculos etiam expleret. Et tanquàm ipsa ad exigenda supplicia, per se non sufficeret, suorum quidem flagitiorum ministros, illius verò paternos inimicos, ante oculos adduxit, & supremos eius spiritus hijs tormentis excarnificare tentavit. Sed quorsum argumenta, tanquàm in re dubia collegimus, cum ipsa non sinat nos dubitare: ipsa, inquam Regina palàm professa est, non apud amatorem in lecto, nec inter conscias in cubiculo,

F. iij. nec

Regina sua
aperta con-
fessione re-
notur.

uer apud paucos & ignobiles, fortu-
na ad assentandum natos, penuria
coactos, consilio deditos, ipsa palam
confessa nullam sibi, nisi a Rege libe-
ratae, vitam fore: nec id semel, neq[ue]
temerè, & apud eos viros quos de re-
bus grauisimis adhibere in cōsiliū
solebat. Temerè enim effusum credi
non potest, quod toties, tot locis, tam
distantibus, etiam adiectis ad fidem
lachrymis, apud homines, genere, di-
uitijs, fama, prudentia praestantes
dixit: de quo suam ostendit senten-
tiam, illorum captauit assensum, ex-
pectauit consiliū. Sed simulauerit
illa, simulatae fuerint lachrymae, qui
audierunt non crediderint. & mag-
nitude sceleris orationi fidem abro-
get. Et ego profectò non libenter in eo
numero censerem, qui tentandi cau-
sa haec prolata, potius quàm ex ani-
ma crederent, nisi res verba compro-
baret, & factorum immanitas, ver-
borum

borum acerbiter longè superaret.

Abituro enim Glasguam, venenam dandum curavit : per quem inquires ? quomodo ? quale ? unde paravit ? me ista interrogas ? quasi scelerum ministri, sceleratis Regibus unquam desint. At vrges fortasse, & qui sint isti ministri me rogas. Veneni crimine Regina incenditur.

Primum de veneno constat. Nam, ut hominum impudentia rem tam apertam inficiari vellet, tamen morbi genus novum, vulgo incognitum, Medicis ignotum, ijs præsertim qui in Italia & Hispania minus versati essent : luentes toto corpore pustulæ eruperunt : cruciatus omnium membrorum, fœtor intolerabilis. At signa dubia sunt, multorum morborum communia sunt. Hæc si causa apud Catonem illum censorium ageretur, omnia nobis expedita forent : quippe qui nullam adulteram nos eandem veneficam esse sibi persuaserat. Quæ-

rimus locupletiores Catone testem,
 cuius singulas sententias, totidē ora-
 cula vetustas existimavit? Cuius au-
 thoritas, in rebus dubijs, sæpè pluri-
 mum valuit; in re manifesta ei non
 credemus? Dicit testimonium homo
 summa integritate, summa fide, &
 aduersus foeminam dicit, odio mari-
 ti, adulteri amore flagrantem, & in
 viroq; genere morbi effrænem, &
 impotentem fortune, potentia furen-
 tem, & suis diuitijs indulgentem.
 Sed vetera & obsoleta mittamus: &
 à causa regia, vulgi incōstantiam re-
 pellamus: neminem in re tanta te-
 stem recipiamus, cuius vel in fortu-
 nam suspicio, vel in mores reprehèn-
 sio cadere possit. Quibus igitur testi-
 bus utemur? Ista enim lege, Regum
 aliquis producendus esset. At ista fa-
 cinora non magnis viris & bonis,
 sed malis & sceleratis ministris com-
 mitti solent. Sed ut hęc quoq; moro-
 sis

sissimis satisfiat, age, Regium testem
 citemus. Legite ipsius Epistolam: *Regina, Re-*
 epistolā, inquam, ipsius manu scrip- *gio testimo-*
 tam. Quid sibi vult illud? Non *nio convinci-*
 multum deformatus est, multum *tur, propria*
 tamen accepit. Cuius tandem rei *videlicet*
 multum accepit? Res ipsa, morbus, *ipsius ma-*
 pustula, odor loquitur. Nempe il- *nu, propria*
 lud accepit, quod deformitatem in- *q3 epistola.*
 duxit, venenum videlicet. At Epi-
 stola venenum non nominat. Illud
 mihi satis est quod dicitur, quod
 licet multum acceperit, non ta-
 men multum deformatus est, aut
 licet non multum sit deforma-
 tus, tamen multum acceperit.
 Quid sibi vult illud tamen? quid
 aliud, quā quicquid illud sit, quod
 acceptum fuerit, in eo causam defor-
 mitatis fuisse: quod etsi multum fu-
 erit, tamen parum ad eam quæ ex-
 petebatur deformitatem. Sed non
 fuerit venenum. Subijce aliud. Ni-

hil comperies quod in ~~enim~~ locū possit
 commodè supponi. Deniq̃, quicquid
 hac voce, multum, intelligitur, tale
 est, ut nec ipsa in tam familiari Epi-
 stola, audeat suo nomine appellare.
 Sed etiam si tergiuersari velimus,
 non licet per ipsam: conferte prae-
 rita cum futuris: ex eius in posterū
 consilio quid fecerit intelligetis.

Primū purgatione opus esse ait:

Veneri cer-
 titudo cer-
 tissimis ar-
 gumentis
 astringitur.

deindè ad Cragmillarium ~~enim~~ duce-
 re statuit, ubi & Medici, & (quod
 periculosius est Medico) ipsa possit
 adesse. Demum cum Bethuelio con-
 sultat, an occultiorem rationem ipse
 comminisci queat per medicinam,
 idq̃, ad Cragmillarium, & a Balneo.
 Videte quàm omnia consentiant.
 Multum accepit, & purgandus
 est, & ad Cragmillarium. Nempe
 in solitudine, & loco propter infre-
 quentiam ad nefarium scelus como-
 do: & medicina usurus, qua tan-
 dem?

dem? nempè illa, è qua multū antea
 acceperat. Vndè id sciemus? vult
 occultam medicinæ rationem esse. Si
 ad sanandum, quid opus ista occul-
 tatione? Cur non palam, & celebri
 loco datur? Cur morbo lenatus, iam
 vegetus, & valens, non vſitata ra-
 tione, & loco purgatur? Sed nouum
 istud morbi genus erat: nouis opus
 erat remedijs. Quos igitur Medi-
 cos adhibet in consilium? Cui ista
 mandatur cura, vt nouam Regi
 medicinam conquirat. Nempè Regis
 inimico, Regine adultero, omnium
 bipedum nequissimo, & cuius domus
 in Gallia infamis fuit veneficijs, cu-
 ius è ministris eo nomine (alijs torti,
 alijs in carcerē cōiecti) omnes suspecti
 fuerunt. Quando istam præclaram
 medicinam sumpturus erat? Aut in
 Balneo, vbi solus loturus, aut saltem
 à balneo, vbi solus cœnaturus. Sic
 scilicet comparari medicina solet per

G. ij. inimi-

inimicos, in loco secreto, nullis arbitris. Igitur quod adulter, quod adultera, quod inimicus, quod rivalis. Diligenter parat, & occultè dat, quale id pharmacum apud se quisq; existimet, & expendat. Iam opinor odium Regine ergà maritum, quàm fuerit implacabile, quàm atrox, quàm obstinatum videtis: quem latronibus obiecit, cùm Nobilitati, cùm fratribus suis committere voluit: quem nudum, & inopem oneratum contumelijs, vexatum iurgijs, veneno petitum, in solitudinē ut cum summo cruciatu ibi moreretur, eiecit. Nunc ad alias causas pergamus. Fuit quidem odium illud per se satis ad impellendum ad inimici cædem sæpè quæsitam, semel tentatam, & prope modum peractam. Tamen accessit & alia vis acrior, quæ odium quoq; inflammaret: Amorem dico, quo impatienter Bothucliu cît prosequuta: quem

quem amorē qui non viderit, illum
autem viderit, incredibilem fortassis
opinabitur. Quid enim erat in eo,
quod mulieri paulum honestiori, con-
cupiscendum foret? Vis nē eloquen-
tiæ? an forma dignitas? an virtus
animi, quæ rerum fortuitarum ac-
cessione cōmendarentur? At de elo-
quentia, & forma, non est opus ora-
tione longa: cū & qui eum vide-
rint, vultus, & incessus, corporisq;
totius qui fuerit habitus, meminisse
possint: & qui audierint hominis in-
fantiam, & hebitudinem, non igno-
rent. At fuit in suscipiendis negociis
prudens, in subeundis periculis for-
tis, in dando munificus, in volupta-
tibus temperans. Prudentiam, nec
qui sunt ei addictissimi tribuere au-
dent: fortitudinis opinionem capta-
uit: sed inter equites, sedens in equo
pernicissimo, sui securus: aliena pag-
na spectator: interdum fugientium

πρᾶτον
ῥαπία.

Hypoty-
sis, seu cui-
dentia, qua
Boetheli
persona in-
genium, ac
mores de-
pinguntur.

Recordia
Bothuely.

terga premebat : hostis aduersum
vultum nunquam propius intueri
sustinuit. Vultis præclara fortitudi-
nis speciem ? à latrone nota ignavia,
cui dedito, nec inopinanti letale vul-
nus inflixerat, in terram prostratus,
vulneratus, incruentis plagis cõtusus,
ac interemptus esset, nisi latronẽ mo-
ribundum viros defocissent. Possem
inanes eius in Gallia minas com-
morare, possem postremam eius usq̃
Cimbros trepidam fugam. Sed illi-
us dici malo repetere memoriam, quo
eo relicto, Regina ad Nobilitatem,
cædis Regiæ vindicem accessit. Sta-
bant in procinctu acies: erat Bothue-
lius militum numero par, loco longè
superior : erat propositum victori
præmium, Regina eius amantissima,
Regnum, opes, honores, & sibi, &
posteris : adhac scelerum præterita-
rum impunitas, in posterum summa
licentia, amicos honestandi, inimicos
vltiscendi

ulciscendi potestas : victo autem ig-
 nomina, contemptus, egestas, exiliū:
 deniq; omnia quæ post acciderunt,
 aut in posterum euenire possunt, ante
 oculos erant : Aderant præter duos
 exercitus, fortitudinis & ignauia
 cuiusq; spectatores, & testes, Regina
 certaminis premium, & Crocus Re- Crocus Gal-
 gis Gallorum Legatus. Expectatis lorum lega-
 quid ibi magnificus fortitudinis ostē- tus in Sco-
 tator fecerit? Primum insigni equo tia.
 vectus processit antè aciem. Homo ci-
 uilis sanguinis parcus, sui prodigus,
 poscit qui cum singulari certamine
 extra ordinem decernat. Et quum
 plurimi ex acie aduersa, genere, & ignaua &
 honoribus clari, nomina profiteren- imbellis
 tur, statim refrixit impetus, resedit Bothuelij
 magniloquentia: ac nisi Regina, tan- timidis.
 quàm tragicus è machina Deus, su-
 am interposuisset authoritatē, suūq;
 columbulum Dionæum pugnare ve-
 tuisset, non exitus modo, sed nè color
 G. iiii. quidem

quidem recusati certaminis fuisset repertus. At certamine singulari interpellato, in acie tamen fortiter se gessit. Imò primus, ac principio fere solus fugit, ac tandè suæ fugæ comitem reliquum exercitum traxit.

Sed belli offensiones virtutibus civilibus pensavit. Quibus tandem, aut quæ virtutes ab eo expectari poterant? ab homine scilicet, in aula Moraviensis Episcopi, hoc est longè corruptissima educato, in vino, & stupris, inter vilissima solutæ illius disciplina ministeria. Vbi adolevit, in alea, & scortis, ita patrimonium amplissimum prodegit, ut etiam (uti poeta quidam ait) deesset egenti æs laquei precium: qui non modo domus alienas stupro, sed suam quoq; incestu polluit.

Hunc igitur hominem, cum à Regina dico fuisse amatum, nec amatum tantum, sed & flagitiose, & impotenter,

Boethelij
educatio
flagitiosa.

potenter, qui rem ignorant, eis for-
 tasse prodigia loqui videbor. Dicat
 fortasse aliquis, erat nè alius in toto
 nobilissimæ inuentutis grege digni-
 or, qui amaretur? Erant profecto
 multi. Erat omnibus rebus, quæ a-
 morem conciliare solent, omnium lon-
 ge primus, ipsius maritus. Quid igitur
 tam disparem amorē, tam à rati-
 one abhorrentē conciliauit? Si di-
 cam morum similitudinem, verisi-
 milem quidē amoris causam, sed
 quibusdā fortasse falsam videbor af-
 ferre. Nec ego libenter in hanc ora-
 tionem ingredior: Nec rumoribus
 de ea per Gallias sparsis in matrimo-
 nio priore accedo. Quanquā reli-
 quæ vita flagitia eos non de nihilo
 fuisse ortos, coarguant: & multa quæ
 post eius in Scotiā reditum diuulga-
 ta sunt, non libet credere: per me
 quidem obliuione sepeliantur: aut si
 id fieri non potest, fide careant, falsa,

H. i.

fictaq.

De Regina
 cum esset in
 Gallia non
 optimi
 sparsi ru-
 mores.

fictaq; credantur. Nec in amore causas diligentius examinare necesse est, qui temerario animi perturbati impulsu ita fertur, ut plerūq; in amentiam desinat: quem si consilio regere velis, nihilò plus agas, quàm si des operam ut cum ratione insanias.

Sed nè hìc quidem causæ desunt. Erat enim in utroq; si non formæ, si non rerum externarum, si non virtutum, certè maximorum vitiorum similitudo. Mulier adolescens ad supremū potentiae gradum subito prouecta, cum nunquam legitimi Regni speciem oculis vidisset, auribus audisset, aut animo proposuisset, adhuc impotentibus propinquorum consilijs instructa (qui & ipsi in Gallia tyrannidem moliebantur) ius, fas, leges, instituta maiorum, ad suum vnius nutum reuocare studebat: huius impotentiae voces indices plerumq; erumpebant: hoc dies, noctesq; meditabatur.

tabatur. Sed huic eius cupiditati ob-
 stabat mos patrius, leges, & institu-
 ta, & præcipuè optimatum consen-
 sus, quibus saluis eò peruenire non
 poterat. Eò igitur ut perrumperet,
 quicquid in mora esset, tollere decre-
 uit. Sed non satis constabat quo mo-
 do, aut quibus ministris id aggrede-
 retur. Fraude grassandū erat, quan-
 dō res perfici aliter non poterat. Vnus
 igitur ad id Bothuclius maximè vi-
 sus est idoneus, homo in summa ege-
 state incertum magis flagitiosus, an
 sceleratus: & qui inter diuersæ reli-
 gionis factiones, ambarum contemp-
 tor, utriusvis studium simularet. Is
 cū operā Hamiltonijs ad Morauj
 cædem antè obtulisset, spem dabat,
 emolumento maiore proposito, maius
 aliquid eum ausurum: quippe quem
 domesticæ ruinæ præcipitem impelle-
 rent, nec pietatis, aut honesti respec-
 tus a facinore reuocaret. In libidinis

Bothuclius
 omnis reli-
 gionis con-
 temptor.

Bothuclius
 ad Morauj
 cædem ope-
 ram contu-
 git cum
 Hamilto-
 nys.

H. ij.

verò

verò usu immoderato, nō minus gloriam quærebat, quā alij dedecus vitant & infamiam.

Mulier igitur immoderata licentia auida, quæ leges carcerem, iuris temperamentum seruitutē existimaret, cū in viro ■■■ satis materia ad res perturbandas videret, elegit hominem qui nec in fortunis haberet quod perderet, nec in fama quod cōtaminaret, nec ijs fulcimentis nitetur, ut nō facile subuerti posset quoties eius fastidiū subiret: cuius intemperantiam illecebris caperet, egestatē pecunia expleret, fidem conscientia scelerū illigaret. Hī sunt fontes illius non immoderati, sed insani amoris, infamis adulterij, scelesti parricidij: quo, velut pignore, sanguinaræ illæ nuptiæ coierunt. Hæ ergo sceleris suscipiendi causæ fuerunt, odiū implacabile mariti, & amor adulteri immoderatus. Accedebat &

illa

Regina ef-
frenis licen-
tia: libido
immodera-
ta: astuta
consilia:
amor insa-
nus: turpe
adulteriū:
parricidiū
horrendū:
sanguina-
■■■ nuptia.

illa spes, crimen à se in alios transfer-
 ri, & supplicia in vilia inimicorum
 capita deriuari posse: & homines à
 culpa maximè alienos, sui loco placā-
 da populari iræ victimas posse sup-
 poni. Alioquì quò pertinebant illa
 penè conferta, inter Regē, & Rober-
 tum fratrē pugna? quò semina dis-
 cordiarum cum Proceribus sparsa?
 quò tanta diligentia cum Morauio,
 pridie quàm cædes facta est, retinen-
 do? aut quæ causa eius accersendi?
 Venerat è Sabaudia legatus, qua de
 re? magnam fuisse oportuit, & quæ
 sine conuentu Procerū transigi non
 posset. Imò Sabaudius ad Baptismū
 inuitatus serò, ac re peracta venerat:
 cum & tam leui de re mittere pige-
 ret, & Gallis & Anglix eo munere
 perfunctis, defuisse pueret, non le-
 gatus ad Baptismum, sed officij neg-
 lecti excusator. Is, vt honestius di-
 mitteretur, ab uxore moribunda

Causa cur
 Morauus
 pridie ante
 eadem Re-
 gis accersi-
 tur a Regi-
 na, excusi-
 tur.

Moranius accersitur, idq; nuncijs
 frequentibus. Quis igitur erat eius
 præsentis usus futurus? ut in con-
 scientiam sceleris eum asciscerent?
 Cur nunq̃ antea id tentatū? an tum
 demum in illo puncto, in illo parrici-
 dij momento, eum adiungere vole-
 bant? leuem videlicet hominē & in-
 constantem, & ad omnes temporum
 articulos consilia mutantem, vita su-
 periore infamem, rebus præsentibus
 non confisum? nihil horum nè nunc
 quidem dicere audent. Falsam igi-
 tur eius retinendi causam cum non
 queant cōminisci, quæ vera fuerit,
 apud se quisq; facile colliget. Nempe
 eadem quæ primum Atholium, quæ
 postea illum è palatio demigrare cō-
 pulit: quæ toties eum in mortis peri-
 culum adduxerit: quæ falsis inimi-
 corum rumoribus in Anglia sparsis,
 eum calumniata est: quæ libellis fa-
 mosis parricidarū eum persecuta est:
 quæ

quæ effecit, ut potius in exilium abiret, quàm in Aula inter Sicariorum gladios cum magno vitæ discrimine versaretur.

Sed quid prodest ista causæ æquitas apud auditores vel rei, ut gesta est, ignaros, vel ultrò auersos, & inuidos, vel confectis rumoribus opportunos? qui hominum leuissimorum conuitia pro testimonijs habent, & eis credunt, qui domi cum omnia se posse iactent, nec iudicum sententijs se committere audent, neq; armis se defendere potuerunt: & velut scelerum conscientia iudicium timuerunt, ita furor ex conscientia orto in bellum præcipites ruerunt: è prælio trepidè fugerunt: nunc quoq; cum numero, & opibus freti aduersariorum prudentiam irrideant, potentiam præ sua contemnant, tamen veris virtutibus diffusi, ad latrocinia se conuertunt: & mentem sceleratam intesti-

Sana & a-
mica au-
thoris ad
cives suos
admonitio.

nis conscientia terroribus vexatam,
ad conuitia, ad calumnias, ad men-
dacia transferunt: quos pro meo in-
cives meos amore monitos velim, ut
ab hac, sine stultitia, seu furore, seu
maledicentia morbo desistant: & ne
quorum aures falsis rumoribus nunc
onerant, illucescente veritate odio
sui aduersus preces occludant & ob-
struant: neque enim semper erit fictis
locus: sed velut ad solem caligines,
ita ad veritatis lumen euanescent
mendacia.

Patrandi verò sceleris commodi-
tates, & spem celandi, non habeo ne-
cessè pluribus prosequi: cum & faci-
endi facultas, & locorum oportuni-
tas, & occasionum momenta, in ip-
sorum potestate essent. Celare verò
factum, quorsum erat opus? cum vul-
gati nulla poena metueretur. Quam
enim poenam metueret in tam firma
conspiratione? cum & legum, quarum

ipsi

ipsi moderatores erant, vis esset ex-
 tincta: & maioris partis hominum
 mentes societate sceleris deuincta,
 aut spe impulsæ, aut præmijs occupa-
 tæ, aut metu tantæ ex aduerso poten-
 tiæ, debilitatæ forent & coercitæ.
 Sed utcumq; hæc se habent, tamen
 operæ precium erit, & rei gestæ or-
 dinem, & consiliorum temeritatē in-
 constantiam, & exitum perspicere.
 Simul enim intelligetis, non volun-
 tatē celandi facinoris defuisse, sed
 emotæ mentis furorem, rationē om-
 nium consiliorum peruertisse: dum
 interdum velut famæ verba daturi,
 cogitatum nefas oculere conantur,
 interim ita grassantur apertè, ut de
 existimatione securi, non magni fa-
 cere videantur quam in partem ho-
 mines factum interpretentur. Vene-
 num enim Glascuam profecturo da-
 tum est occultè: & satis cautum vi-
 debatur, ut absens lenito morbo con-
 I. i. fieretur.

Regina odio
 mariti, et
 adulteri a-
 more apertis
 insanians.

ficeretur. Cætera verò ita crudeliter tractabantur, ut si morbus fortuitus fuisset, tamen suspicio veneni esse posset. Maritus enim, & unici filij & primogeniti pater, illius inquam filij pater, cuius tanto cum fastu, tanto ambitu Baptismus est celebra-

Regina vetus, cum propè nudus velut ex infanticij argu-
tus, cum propè nudus velut ex incendio esset emissus, in itinere maximis doloribus cruciatus, cum Glasgucæ letali morbo vexaretur, quid optima uxor interea? quid? Ad morbi primum nuncium conuolat? præsentia sua, familiari alloquio, vultu deniq; ipso ægrum consolatur? & cum vitā retinere nequeant, extremū eius haurit spiritum? oculos morientis claudit? cæteraq; bonarū matronarū præstat officia? Imò vero quæ iā iam moriturum emisserat, & vix ad paucos dies infelicem spiritum posse ducere eum existimabat, in diuersam longè regionē rusticatū abit:

Regina, quomodo in morbo mariti se gerit.

abit : & Nobilium ædes cum suo Adonide perambulat : & hospitales domos lustrorum suorū vestigijs conspurcat : & sub ipsam (vt ex veneni vi diuinabat) funeris horam Sterilinū redit . Ibi dum tardiū opinione res procedit , & Iuuentæ vigor cum doloris acrimonia colluctatur , nē omnino suo deesse videretur officio, semper Glascuam proficisci adornat, nec vnquā proficiscitur.

Tandem spe quam certā in animo præceperat destituta, ad alia se consilia confert . Edinburgū delata, conuocat in consilium adulterum, cum paucis secretorū conscijs : decernunt omnino Regē occidendū : nec satis liquet quo genere mortis tolleretur.

Quod ex eius Epistola facile potest colligi, in qua cum Medea venefica iuxta ac sanguinaria, se aliqua ex parte cōparat . Item ex altera, in qua de veneno deliberat . Rex autem qui

Rex occide-
dus discer-
nitur.

Epistolas
has ad calcē
libri adie-
ctas reperi-
es.

iam amatoriū poculum degustasset,
 incertus an magis blandis eius ser-
 monibus crederet, an prauitatē natu-
 ræ metueret, quanq̃ interdum de re-
 conciliatione non desperaret, tamen
 semper timori propior erat. Sed cū
 neq̃ vitam, neq̃ mortē in sua pote-
 state haberet, cogitur præteritas in-
 iurias mussare, præsentem timorem
 dissimulare, & de futuro spem finge-
 re. Itaq̃, non velut maritus educitur.
 sed tanquam funus effertur: aut ve-
 rius, ad lanienā trahitur. Regina de
 adolescente omni iniuriarum genere
 vexato, venenis crutiato, circūuen-
 to insidijs, ad supplicium tracto, glo-
 riabunda triumphum ducit: sequun-
 tur currum paterni inimici, de indu-
 stria adhibiti, vt & ipsi tam misero
 spectaculo pascere oculos, & cuius
 mortem propinquā expectabant, ani-
 mi eius mærore interim fruerentur.
 Et nè ulla deesset sacrificiorum cere-
 monia,

Regina cum
 Veneno non
 potest, ferro
 raritum
 extinguere
 aggreditur.

monia, Ioannes Hamiltonius Sancti Ioan. Hamiltonius
 Andree Archiepiscopus, tanq̃ sa- Archiepi-
 crificulus adhibetur, homo antea om- scopus.
 ni genere flagicij pollutus : & in spo-
 lijs, & cæde Civium suorum pastus,
 & vetus multarũ palmarũ laniſta.
 Vulgus toto itinere mæſtum, nihil
 boni augurabatur. Comites Regine,
 neq̃ iriſtitiam ſatis ſimulatã, neq̃
 lætitiam diſſimulare poterant : cùm
 ſceleris ſuſcepti atrocitas in euentus
 expectationẽ, gaudium immoderatũ
 ſuſpenderet. Ducitur Edinburgum,
 non in Palatium. Cur ita ? Ne vide-
 licet contagio peſtilentis morbi filio
 adhuc tenello noceret. Quasi à vene-
 no etiam læſis contagiũ ſit metus. Sed
 verior illa cauſa, ne præſentia eius
 incommoda eſſet, & voluptatibus li-
 berẽ frui volentibus, & de morte
 conſulentibus.

Quò ergo ducitur ? In Oppidi par-
 tẽ maximẽ deſertã, antea ſacerdotũ

*Simulata
salubritatis
prætextus.*

*Vxoriam cru-
delitas con-
tra maritum
inaudita.*

regno incolumi : sed aliquot iam an-
nis à nemine habitatâ : ac nisi ad il-
lud nocturnum sacrificium fuissent
ades resectæ, sua spontè ruituras. Cur
hic potissimū delectus est locus ? aeris
salubritas prætenditur. Bone Deus:
Occisura maritum loci salubritatem
quærit ? in quem usum ? nō profectò
ut vitam seruet, sed ut corpus sup-
plicio referuet. Hūc illa spectat vxo-
ria diligentia, & de mariti vita vl-
tima sollicitudo. Metuit ne poenis eri-
piatur : vult ut se sentiat mori. Sed
quā sit ista salubritas videamus.
Ut videlicet inter mortuorum Sepul-
chra, viuendi quæramus presidia ?
Nam in vicino erant duorum Tem-
plorum ruina : ab oriente Monaste-
rium Dominicanorū fratrum, ab oc-
cidente Tēplum virginis, cui ob loci
solitudinem, Campensi nomen fece-
runt : à meridie muri urbis, & in
ijs, ut undiq; peruia essent, posticum
aperitur :

aperitur: à Septentrionibus paucæ
 pauperum ædicolæ, tum quidem in
 ruinā pronæ, quondam sacerdotum
 & monachorum prostibula: cuius
 loci nomen ipsum, faciem, & naturā
 facile indicat. Nam Angiportum fu-
 rum appellant. Nulla alia in propin-
 quo domus, præter ædes Hamiltonio-
 rum, quæ ad iactū ferè teli aberant:
 & ipsæ tum vacuæ. In eas cōmigrat
 Archiepiscopus Sancti Andrea, sem-
 per antea in locis urbis frequentiori-
 bus diuersari solitus. Is quoq, cum
 noctē, qua Rex interemptus est, egit
 peruigilem. Nunc vos rogo, quando
 oculis non potestis, saltem animo cer-
 nite veterum sacerdotum ædes, inter
 sepulchreta, inter duorum Templo-
 rum ruinas positas, & ipsas ruino-
 sas, propè locum furum & latronū
 receptatorem: non longè ab hostili
 præsidio quod ianuam ædium specta-
 bat, per quam si quis fugisset, insi-

Idem Ha-
 miltonius
 Archiepis-
 copus S. An-
 drea sangui-
 naria huius
 coniuratio-
 nis antefig-
 nant.

Locus ad
eandem Re-
gis q̄ maxi-
me oportu-
nus, a Regi-
na electus.

diu vitare non poterat. Huius loci
faciem cum in animo vobiscum co-
gitatis, cum ruinas Tēplorum, Sepul-
chra mortuorum, latibula furū, pro-
stibula mæreticum auditis, nonnè,
non modò ædes ipsæ, sed singulæ par-
tes vicinæ, nefas proclamare vi-
dentur? in hospitiumnè diuertisse,
an in latronum spæluncam intrusus
esse Rex videtur? Nonnè illa deser-
ta vastitas, & infrequentia metum
sceleris simplicioribus facere, suspici-
onem callidioribus iniicere, occasione
hominibus prauis dare poterant?

Quid inimici hominis in ea loca
insolens aduentus, nocturnum propè
in ipsis foribus peruigiliū? cur hunc
potissimum hospitio locum, præter
morè delegit? At ædes vacuæ erant,
fratris erant, propinqua Regis hospi-
tio erant. Vacuæ semper antea fue-
rant? Cur nunquam antea in eas di-
uertisti? Cur celebritate urbis, vici-
nitate

nitate Aula neglecta, in solitudinem ^{Contra Ar-}
 te coniecisti? quam utilitatē, quam ^{chipiscopum}
 commoditatem, quam voluptatē hic ^{rationes}
 sequutus es? Ut homo antea semper ^{colliguntur.}
 popularis auræ captator, & cœnarū
 aucupijs aulicos complectens, spontē
 in abstrusum angulum, extra cætū,
 & celebritatem te abderes? amēni-
 tas te loci capiebat? & homo sacer-
 dotijs obrutus, verius quàm onustus,
 templorum ruinis animum oblecta-
 bas? Sed fuerit aduentus in ea loca
 tuus fortuitus: suas etiam causas, si
 non veras, saltem verisimiles habue-
 rit: Quid sibi volebat peruigilium
 insolitum? quid trepidatio nocturna
 tuorum? quos tamen in publico tu-
 multu egredi vetuisti? Sed quid erat
 cur egrederentur? ut rem, cuius tu
 author & machinator eras, rescisce-
 res? at è specula tua fragorem ruinæ
 auribus, fumum & cinerem oculis,
 gaudium animo, hauriebas: Sulphu-
 ris

ris odorem penè naribus imbibebas. At emississes qui elapsos ex incendio exciperent : neminem fugientem videbas? Itaq³ lumina quæ ex æditi-
bus Urbis locis tota nocte domi tuæ apparuerunt , tum demum tanquàm re benè gesta, sunt extineta.

Sed ad Regē redeamus. Non satis erat posticum in muris aperuisse, per quod latrones immitterent , insidias antè fores collocasse ne quis euaderet, duorum apud se ostiorum claues retinent : inferioris domunculæ alterā, ubi parietibus suffossis, sulfureo puluere cuniculos oppleuerunt : superioris, ut aditus Sicarijs ad Regem dormientem esset. Deindè è paucis mini-

Rex submo- stris maiorem partem subtraxerunt :
tis ministris ut qui antea non tam adhibiti erant
omnibus so- ad usum domesticum , quàm ad se-
lus cum Da- creta speculanda, quæ ad Reginā de-
ramo fa- ferrent . Hii, varijs causis confictis,
mulo relin- alij aliò discedunt . Vltimus Alexan-
quitur. der

der Duramius, cum satis iustam abe- *Alexander*
undi excusationem non haberet, ex- *Duramius.*

truditur à Regina. Ipsa interim, nè
suis desit partibus, dum Bothuelius
tragicam mortis scenā instruit, quo-
tidiè Regem inuisit: animum amore
ægrum, nunc blandis pollicitationi-
bus erigit, nunc iurgiis oppugnat,
suspicionibus exercet, ac verè fabu-
lam illam poeticā ludit, in qua Pro- *Promothet*
methei iecur ad nouas quotidie pœ- *fabula.*

nas excrescens, ab Aquila aduolante
corroditur. Ad hanc enim imaginē
illa misellum adolescentem interim
spe fouet, & refocillat, in nullam a- *Rex impia*
lium usum, nisi ut perferendis dolo- *Regina im-*
ribus vita sufficiat. Quæso, apud a- *postura de-*
nimus. *lusus.*

nimum quisq; suum cogitate, in re-
centi scelere qui fuerit motus animo-
rum: cum nè nunc quidem hæc sinè
indignatione possint audiri. Ædes ab
humano commertio propè semotæ, ab
homine omnium nequissimo, ab ini-

K. ii. mico;

mico, ab uxoris adultero parantur, ad lanienam quàm ad habitationem commodiores : & adolescenti parantur, ob atatem incauto, ob amorẽ ad insidias aperto, ministris spoliato, deserto ab amicis : ædes, inquam, lace-
 re, solæ, ab omni parte non modo a-
 pertæ, sed etiam peruiæ : ut quarum
 clauēs penēs inimicos essent : nemo
 intus præter Iuuenem à morbo non
 satis validum, & Senem ætate infir-
 mum, & duos peregrinos, locorum,
 rerum, hominum ignaros : nemo in
 propinquo præter inimicos, & la-
 trunculos habitabat. Sed mulier pro-
 uida diligenter id cauerat, nè à latro-
 nibus esset periculum. Nihil enim
 apud eum reliquum fecerat, quod la-
 trones inuitaret. Inimicos autem spe-
 ctatores, non actares huius trágœdiæ
 volebat esse : facinoris verò gloriam
 sibi & Bothuelio reseruabat.

Quid interim illa Regina sollici-
 tudo?

tudo? quid insolita concursatio? & malitiosa non officiosa sedulitas? quotidie inuisit: in multas horas sermonem protrahit: in cubiculo inferiore duas noctes quiescit: si modò spiritum illum atrocè, scelerum conscientia à furiarum stimulis conquiescere patiatur. Metuebat videlicet, ^{Parietes per subter-} nè si adium pars inferior vacua fu- ^{raneos cuni-} isset, strepitus molientium cuniculos, ^{culos pulue-} & inferentium puluerè sulfureum, ^{re sulfureo} aliquem è ministris in suspicionem fraudis induceret. Volebat etiam ipsa suis oculis rem tantam cernere, poti- ^{oppleri.} us quàm fidei ministrorum credere: volebat animo futurū gaudium prælibare: ignem, fumum, puluerem, ruentis domus fragorem, trepidationem, tumultum, pauorem ministro- ^{Astuta Re-} rum, latronum, ciuium, quandò ocu- ^{gina seduli-} lis, & auribus non poterat, animo ^{tas in amo-} saltem haurire. Omnibus igitur re- ^{lienda a se} bus ad funestam illam noctem præ- ^{maritici dū} paratis, ^{suspensione.}

Εὐνοῦ
ῥόπτῃς.

Regina al-
tera manu
demulcet,
altera occi-
dit maritū.

paratis, ultima subit famæ cura :
segregat à se suspiciones : adit mari-
tum, osculum pangit, annulum pig-
nus amoris donat, solito blandius al-
loquitur, prolixius pollicetur : fingit
sibi curæ esse eius valetudinem : nec
intermittit cum adultero consuetu-
dinem. Hæc qui propius intuebantur,
nihil boni diuinabant. Nam
quantiò maiora placati animi signa
Regina ostentabat, tanto in animo
quisq; suo atrociora omnia præcepe-
rant. Alioquî enim undè illa repen-
tina mutatio? undè tanta cura de
co, cui venenum superiore mense de-
derat? quem nuper non modo cupie-
bat occisum, sed occidentem videre
volebat : cuius morti fratrem, imò
duos fratres impendè gestiebat. &
ipsa, velut lanista, rege gladiatore,
funus Regium apparabat. Antè pau-
cos menses ipsa è vita discedere vole-
bat, ne Regem viuentem aspiceret.

Undè

Vnde nunc repentinum de eius salute studium?

Expecto ut se dicat placatā fuisse.
 Tu marito placata? quem in illud desertum (ut cum poeta loquar) furiarum castrum ablegasti? cui inter meretricum prostibula, pauperum mendicabula, latronum latibula iacenti, ades ab omni parte ita peruias fecisti, ut plures aditus, quā min- Probationū argumenta
 istros qui clauderent relinqueres? qua grauissima,
 Sicarios ad cædem, fures ad prædam quibus Re-
 inuitaris? ministros qui vitam eius gina neces-
 tueri possent abegeris? nudum, solū, sario coar-
 inermem latronibus obieceris traci- guitur par-
 dandum? cū in hoc mariti misero ricidj.
 statu adulter in Palatio habitaret, in cubiculo frequens esset, cū ei dies noctesq; fores omnes paterent, maritus interdicto nobilitatis cōmertio, ministris adire vetitis, aut ablegatis, ad ludibrium, atq; utinam ad ludibrium tantum, in solitudinē abiectus

K. iiii

relin-

relinqueretur? Ac de cæteris minist-
 ris nihil quæro. Non interrogo sol-
 licite cur discesserint, cur tum potis-
 simum Regē reliquerint cum eorum
 opera & ministerio potissimum ege-
 ret: cum conualuisset, cum prodire
 inciperet, nec alios comites haberet?
 De Alexandro Duramio silere non
 possum: quem illi custodem, tibi de-
 latorem habueras. Quid autem erat
 quod obseruaret? quod ad matronā
 mariti amantem, coniugij tenacem,
 de pellice sollicitam deferret? Vere-
 batur videlicet ne & adolescens, &
 formosus, & Rex, in aliquam, se ab-
 sente, oculos conijceret? imò hoc ip-
 sum maximè cupiebat. Nam & ipsa
 maritum eò antea inuitauerat: occa-
 siones ipsa obtulerat: & sponte obla-
 tas commonstrarat. Hoc erat, quòd
 causas diuortij quærentem, maximè
 eam urebat, quòd ne tenuem quidē
 suspicionem pellicatus inuenire pote-
 rat.

rat. Cur ergò adhibiti observatores?
 ne quis Nobilium, nè quis clientum,
 ne quis omninò alienus eum adiret:
 ne quis conveniret, qui insidias dete-
 gere, de periculo admonere posset?
 Hunc verò ipsum Alexandrū quàm
 sollicitè servat, cū maritum occidat,
 quàm cæteris abactis serò dimittat,
 in ipso propè mortis articulo, cum de-
 lationibus iam nihil amplius esset o-
 pus. Pridiè enim quàm parricidium
 illud factum est, unus è ministris se-
 cretorum consiliorum conscjys reli-
 ctus erat Alexander.

Is cum noctem illam, non minns Alexandri
 infamem, quàm funestam appropin- Duramq;
 quare sentiret, præparat absentia fu- callida ex-
 turæ excusationē (ut ipsi visum est) cusatio,
 non incallidam, ut casus eum expu-
 lisse, non ipse sponte deseruisse domi-
 num videretur. Ignem in stramenta
 lectuli sui inijcit: ac flamma latius
 fusa, tumultu excitato, stragula se-

L. i. iniusta,

iniusta, è cubiculo Regis eijcit. Sed po-
stridie cum ea excusatio non satis ex-
sententia procederet, quippè cum, au-
diente Regina, Rex cum blandius ro-
garet, ne se solum ea nocte defereret,
atq; etiam inuitaret ut una secum
cubaret (quod & antea sæpè fecerat)

Alexander
Duramius
Regi adhi-
bitus non
seruus, sed
observator,
nō famulus,
sed custos, et
delator, &
desertor, &
proditor.

singulari enim præter ceteros bene-
uolentia Rex eum complectebatur.
Hic Alexander deprehensus, morbi
metum ad priorem excusationem ad-
iecit, ac se, ut liberius curaretur, in
oppido pernoctaturum. Hic quoq;
cum parum proficeret, Regina suam
authoritatem interposuit: & Regem
non rectè facere ait, qui adolescentē,
contra valetudinis rationem, secum
retineret. Deinde ad Alexandrum
conuersa, iussit quò ei cōmodum esset,
abire: & ille cum dicto abiit. Nolo
hic diligentius exequi omnia crimi-
nalis vestigia. Neq; quaram curio-
sus, ignis ille pridianus, fortuitus,

an fraude suppositus fuerit : neq̃, illud rogabo, cur homo sæpè antea in lectum Regium receptus, illa potissimum nocte id recuset ? morbum in causa fuisse credamus . Hoc tantum quero, cuius generis fuerit is morbus, illo statim momento temporis immissus, qui sine ulla medicorum cura, ante lucem eum reliquerit ? cuius nullū, neq̃, antè neq̃, postea, neq̃, in illo temporis puncto signum apparuerit ? Sed opinor, illo tacente, vos satis intelligitis . In homine maleficij conscio, mortis metus vicit officij rationem . Quòd nisi Alexander, antea delator, nunc desertor, & proditor, omnium scelerum conscientia teneretur, nonnè Regina cætera tam crudelis, vnā illam victimā inferijs mariti impendere potuisset ?

Hæc dum fiunt multū noctis processerat : & Reresia strenua miles ante signum datum in aciem processit, nistra.

L. ij.

sit, foras prodijt, equum conscendit:
 & quanquam, ut futura procella
 conscia, timet, tamen in equo sedens
 Reginam expectat, sed longiusculè
 ab ædibus. Interim Paris aduenit,
 colloquiū dirimitur, surgitur. Subijt
 enim, eo conspecto nephas illud quod
 non nisi magnis piaculis aueruncari
 posset, quòd Regina in cœna naptiali
 Sebastiani Cantoris, ac tantum non
 scurræ, non saltauerit: quòd marito
 non dum ad iustam valetudinē per-
 ducto assederit: quòd in conuiuiis do-
 mestici parasiti histrionicā non ege-
 rit. Digna profectò res excusatione.

Nocte qua
 Rex interi-
 mitur, Re-
 gina ad sig-
 num datum
 a Rege dis-
 cedit, frino-
 lo pretextu
 discessum
 excusans.

Sed quid faceret? abeundum erat,
 Paride cōspecto: ita enim cōuenerat,
 et aliquid erat prætendendū. Quid su-
 perioribus noctibus, quibus maturi-
 us discesserat nulla interposita excu-
 satione: nunc demū media ferè nocte
 discessus erat excusandus? Sed fu-
 erit. Nihilnè aliud subibat aptius q̃
 nuptiæ

nuptiæ Sebastiani? Ego contra contendendo, si vel fratris, vel sororis nuptias reliquisset, ut maritum etiam leuiter languentē inuiseret, eam omnibus iustam excusationē habendam esse. Quid si Regi etiam, non marito, quid si alijs è Proceribus id officij præstitisset? tanti sunt nuptiæ Sebastiani, ut Mimica ibi saltatio præferenda sit coniugali officio, & charitati? Sed profectò aliud in hac excusatione, & dolore neglecti officij latet, nec tamen ita latet, ut non transpareat. Nimia ista, in excusando ubi nihil opus est, diligentia, suspicionem occulti facinoris, & quod detegi nolis, habet: & causæ leuitas suspicionem auget: præsertim cum alia in promptu essent, quæ causari potuisset.

Regina nihil habet
quo se excuset, tot hic
concurrunt
serisimilia.

Sed excusationē accipiamus, quando Regine iusta est visa. Quò deinde abit? in cubiculū suum rectā. Quid

L. iij. deinde?

deinde? fessa labore diurno, & nocturna vigilia, ita cubitum. Imò Bothuelio propè solo, deinde etiam solo colloquitur: quid autem loquuta sit, res ipsa prodit. Bothuelius enim cum vestem, velut decubiturus exisset, statim aliam sumit: ad facinus abiens, noluit agnosci. Lando hominis calliditatem. Sed per custodias eundum erat. Hic miror amentiam. Sed mentes cogitatione scelerum obsessæ, ferè sese sua inconstantia produnt: & ad cætera plarumq; cæca, unum illud vident, in quo animum intenderunt. Quid autem gesserit, Regis mors, ipsius fuga, noxiorum confessio, & cætera qua eadem secuta sunt, declarant. Excitato in urbe tumultu, ille, quasi omnium ignarus, per easdem custodias redit cubitum. Cum ruinæ fragor aures, tremor etiam omnium ades concuteret, Regina in expectationem eventus erecta,

Bothuelius
post colloqui-
um Regina,
ad eadem
Regis se ac-
cussit.

Regis mors.

recta, & vigilans, nihil sentit: Bothu-
 uelius nihil sentit: mira surditas.
 At ceteri per urbem qui vigilabant
 exterrantur, qui dormiebant expe-
 r-giscuntur.

Tandē surgit iterum Bothuelius. Bothuelius
 huius fabu-
 la choragus,
 post ex cho-
 rago fit
 eius.
 & in eadem fabula, è poeta, fit nun-
 cius, accurrit ad Reginam: eodem
 fit aliorum, qui in Palatio diuerte-
 bant, concursus: res alijs vera, alijs
 simulata, sed omnibus mira videri.

Quid Regina? Quid faceret? fers
 moderatè suam felicitatem: in me-
 ridiem placidè conquiescit. Postridiè
 tamen, ut in fabula decore seruiret,
 luctum simulat, quem nec diu fingi
 finit vnà habitans leticia, nec omni-

no negligi patitur pudor. Hac cum De auctore
 Regia necis
 nemini du-
 bitandum
 in tanta Ge-
 ritatis luce.
 subiecta sint oculis, manibus contre.
 Etentur, in auribus & conscientia
 omnino habitent, adhuc de auctore
 sedis, tanquam dubio, quærimus?

At Regina negat. Quid negat? Se

L. iij. eadem

eadem illam fecisse. Tanquam multum inter sit, author sis, an minister iubeas, an facias? consilium, operam, opes, auctoritatem, ad eam patrandam adhibuit: Neque causa cur id fecerit, latet. Nempè ut impurae illae nuptiae cum Botthuelio fierent.

Quae omnia etiam si argumenta, si tot è conscijs testes deessent, ipsius testimonio, ipsius literis teneatur ne-

Ex causis a
cade Regis
consequen-
tibus contra
Reginam
arguitur.

cesse est. Et si alia omnia deficerent, quae eadem secuta sunt authorem facile coarguunt: quòd in mariti morte, non modò non doluerit, sed, ut in re praeclare gesta, quieuerit: quòd non luxerit, sed propemodum palam sit letata: quòd defuncti corpus non sustinuit modò spectare, sed auidè spectauerit: clam, de nocte, sine funeris honore sepelierit: aut potius, latronis instar, absconderit. Nam simulatio illa luctus tam inconstans, ipsa se facile prodidit. Quid enim

ille

ille secessus ad Setonum sibi volebat?
 Cur celebritatem urbis, & oculos ho-
 minum fugit? An quia pudebat pa-
 lam lugere? an quia non potuit lēti-
 tiam dissimulare? aut ut occultē se
 totam in luctus daret? imò ad Seto-
~~nium~~ totam luctus personam abiecit.
 in campos quotidie cū Sicarijs ibat:
 nec modò pristinam consuetudinem
 repetiuit, sed lusus viriles, & cum
 viris, & palam affectauit: ita popu-
 larium suorum existimationē facile
 contemnebat. Sed malè sit Kilgræo,
 malè sit Croco, qui tam incommode
 interuenerunt, & personam detra-
 ctam exteris ostenderunt: multa
 facta negari, multa appositè fingi,
 multum rumoribus profici sine illis
 poterant.

Regina an-
 luctum si-
 mulabat
 magis, aut
 letitiam
 dissimula-
 bat, ex viri
 morte, diffi-
 cile est di-
 scere.

Henr. Kil-
 graus An-
 glus, et Cro-
 cus Gallus
 duo legati,
 letitia Re-
 gina testes.

Sed quæstio de cæde habita est. Per
 quos? Per Bothuelium imprimis, ali-
 osq; nonnullos, qui noxios legum pœ-
 nis eximere tentarunt, & hodiè ten-

M. i. tant:

Quaestio de
Regis inter-
ritu, quo
modo, et per
quos tracta-
ta.

tant: & nunc palàm ostendunt, quid
tum occultè senserint. Sed qua dili-
gentia, qua sanctitate, quaestio illa
tractata est? Pauperes è vicinia ho-
spicij Regij nec proferre audebant
quæ viderant & audierant: & si
propius rem attigissent, vel metu re-
ticere cogebantur, vel ut vani con-
temnebantur: cautiores Bothuelium,
inter quaesitores sedentem, ledere
non audent: ministri, unus & alter,
qui cladi superfuerunt interrogan-
tur, latrones quo modo ingressi sint:
Claues, aiunt, penes nos non erant:
Quis eas habuit? dictum est Regina
habuisse: Cœperant Aulæ secreta pa-
lùm fieri. Quaestio differtur, nun-
quàm repetitur. Quid hac quaestione
sanctius? Sed tamen nonnihil ea pro-
fectum est. Nam quod quaesitores ta-
cere volebant, vulgus clamat: quod
supprimunt, erumpit: quod celant,
elucescit. At ædictum proponitur:
facti

facti impunitas, indicij præmia proponuntur. Quis autem tam demens fuisset, ut in tam manifesto vitæ periculo, aduersus iudices, qui vitæ necisq; sui potestatem haberent, testimonium dicere, aut indicium profiteri auderet? expectandum scilicet erat, ut qui Regem trucidassent, iudici cædis parcerent? præsertim cum omnes viderant de cæde Regia questionem omissam, de libellis eadem coarguentibus, seuerè exerceri? Iudicium vero quo Bothuclius purgatus est, quale fuerit audistis. Nempe per ipsum coactum: iudices ab ipso lecti: accusatores ab eodem suppositi: legitimi accusatores adesse vetiti, nisi gladijs inimicorum ceruices subijcerent. Indictum indicium nec in diem legitimum, nec more patrio, nec de cæde Regis, sed de ea cæde, quæ pridie quam Rex interemptus, facta dicitur. Hic cum Bothuclius gratia & M. ii. opibus,

Iudicium
quo Bothue-
lius purga-
tus, quale
fuerit.

opibus, Regina minis & precibus apud iudices contenderent, expectatis quid homines, præter leges, præter morē patrium lecti pronunciarint? Rem sententijs suis non attigerunt: tantum iudicium non esse legitimū sunt testati, cū sibi cauerunt ne ea res ipsis aliquandō fraudi foret.

Bothnelius,
mactato
Rege, &xorē
ilico repu-
diat, ac Re-
ginam du-
cit.

Deindē, ut omnes intelligerent, quid ferro, flammis, veneno petatum esset, nuptiæ aliæ dirimuntur, aliæ coeunt: idq; tanta festinatione, quanta nec ad triumphum de præclara victoria fuisset properandum. Tamen ut in illis illegitimis nuptijs aliquid legitimi moris observaretur, Bannæ præclaræ publicantur: in quibus denūciandis, etsi metus mortis Ecclesiæ ministro, nisi paruisset, fuerit intentatus, is tamen inter denūciandum palam testatus est, se causam scire, cur illæ nuptiæ legitimæ non essent. Sed in tanto cœtu hominum,

minum, quotusquisq; erat, qui id
 ignorarat, quippe qui meminissent ^{Banna pro-}
 duas uxores nō dum dimissas Both- ^{clamata, &}
 ueliū habuisse, tertiam nec legitimē ^{refutata.}
 nuptam, nec ritē dimissam. Verūm
 non id agebatur, ut legitimi moris
 ceremoniæ obseruarentur: Sed, ut in
 Comedijs fieri solet, quandam vul-
 gatæ cōsuetudinis speciem, & imita-
 tionem curabant. Nam qui omnia
 iura humana sæpè violauerat, reli-
 gionem omnem abiecerat, facile ius
 diuinum contemnebat.

Explicasse mihi videor paucis pro
 rei magnitudine, sed fortasse pluri-
 bus quā necesse erat, propter proba-
 tionum perspicuitatem, quo consilio,
 qua spe cædes nefaria sit suscepta,
 quanta cum crudelitate perpetrata,
 quibus indicatijs, testimonijs, & lite-
 ris ipsius Reginae tota res teneatur:
 & ita teneatur, ut tanquā subiecta
 oculis cerni possit: proponam tamen
 M. iij. &

& vniuersi populi testimoniū, quod quidē minimē negligendū esse arbitror. Singuli enim plerumq³ fallunt, & ab alijs itē falluntur: at nemo omnes decipit, aut ab omnibus decipitur.

Hoc populi, quod dixi testimoniū hu-

Contra Re- iusmodi est. Cūm Reginæ prodeunti
ginam nullū in publicum, à maxima vulgi parte
gravius te- solitū esset proclamari, benē & fœli-
stimonium citer, quæq³ alia vel amor exprimit,
quā pub- vel adulatio cōminiscitur, post cādē
licum popu- Regis eunti ad arcem, per celeberrimū
li silentium. urbis vicum, maestum passim
erat silentium. Sed cum aliquando

Verba cu-
iustam fa-
mina con-
tra reginā
exclamātis.

mulier, è turba, sola benē precata Reginæ esset, alia statim, ita vt ab omnibus audiri posset, exclamauit, ita cuiq³ sit vt promeretur.

¶ Epilogus seu conclusio firmis colligens argumentis Reginā ob mariti necē, iustissimū iudicio suo priuatā esse principatū.

HÆC ENIM ita, vt dixi gesta sunt, non desunt tamen qui non duriter

ter modo, sed etiam crudeliter actum Maria Scotorum Regina dicant: quod post tam execrandum facinus rerum gubernaculo remota fuerit, & cum de scelere inficiari non queant, de sceleris poena conqueruntur. Non reor quenam futurum tam impudentem, ut nullam tam nefario facinori poenam deberi existimet. Sin de gravitate querantur, vereor ne omnibus bonis non tam clementer & modice, quam dissolutè & negligenter fecisse videamur: qui tantum tamq̃ inauditum nefas, tā leui poena persecuti simus. Quid enim crudeliter in authorem tam immanis facinoris consuli potest: in quo omnia diuina & humana iura violata, contempta, & penè extincta sunt. Singula flagitia suas habent poenas, & humanitus & diuinitus constitutas: & ut scelerum sunt quidam gradus, sunt etiam in poenis suppliciorum accessiones. Occi-

solio.
Maria Scotorum Regina ab de-
testandum
parricidii
merito de-
iecta de
dignitatis

Multo mi-
 rius inflic-
 Regina sup-
 plium
 quam scele-
 ris eius a-
 treccitas
 commere-
 batur,

dit aliquis hominem? facinus per se
 immanc. Quid, qui etiā familiarē?
 qui patrem? quid qui in vno scelere
 omnia hæc complexus est? Eius pro-
 fectò neq; vita pœnis exigendis, neq;
 corpus perferendis, neq; iudicium so-
 lertia excogitandis sufficere potest.
 Quid est horum quod in hoc scelere
 non contineatur? Omitto illa vulga-
 ria, hominem adolescentem, innox-
 ium, ciuem, familiarem, sobrinum,
 factum etiam, si fieri potest excuse-
 mus: Fecit temerè mulier adolescēs,
 irata, læsa, summa ante vitæ inno-
 centia: & hominem flagitiosum, ad-
 ulterum, durum maritum, Regem
 crudelem occidit. Hæc, si in causa,
 non singula, sed vniuersa etiā essent,
 non ad deprecandum supplicium, sed
 ad commiserationem fortunæ valere
 deberent. Quid quòd nihil horum
 ne falsò quidem prætendi potest? fa-
 cinus ipsum per se odiosum, in mu-
 liere

liere prodigiosum, in uxore non modò immoderatè amata, sed vehementer etiam culta, incredibile: & aduersus eum perpetratum, cuius ætas veniam, charitas amorem, propinquitas reuerentiam, innocentia fauorem demereri poterat: aduersus eum, dico, adolescentè, in quo nulla peccandi causa iusta pretenditur, omnia peccatorum tormenta consumere, vel etiam superare, cuius tandem crudelitatis esse statuemus?

Sed hæc in alijs valeant ad odiũ, ad pœnas, ad exempla posteritati pro-
denda. Hic verò multa ætati, multa generi, multa * regio nomi-
mini cõdonemus. Ego certè is nõ sum, qui summo iure
semper vtendum censeam, ne in priuatis quidem, & plebeyis hominibus. Sed in
summo scelere, iuris omnẽ vim soluere, & ubi peccã-
di

* Regio nomi-
mini multa
condonanda
sunt: at
non omnia tamẽ. Por-
ro si nomini et titulo
regis tantum tribuen-
dum sit, quãro amplius
vita Regis deferendum
est? Ideoq; quisquis
vitam regis eripit, in-
dignum se statuit, cui
regij nominis titulus
ad impunitatem pa-
trocinetur.

di nullus est modus, infra modum in
vindicatione descendere, ad omnium
legum interitum, & euerfionem so-
cietatis humanæ pertinet. In hoc au-
tem scelere tanta est omnium flagiti-
orum colluies, omnis immanitatis
acerbitas, omnis humanitatis obli-
uio, ut supra fingendi vel excogitan-
di nullus supersit locus. Ac superiora
illa omitto. Non inquiram nimium
diligenter in facta Principum: neq;
ad vulgarem trutinam ea examina-
bo. non exigam vulgares officiorum
gradus: si quid sit, quod sine scelere
præteriri possit, libenter filebo: si
quid vel ætatis, vel sexus, vel teme-
ritatis etiam excusationem admitte-
re possit, non urgebo. Atq;, ut reli-

* Duo sunt scelerum genera, quibus nullo modo parcendum: Matrimonij, et Regiæ maiestatis Violatio. *qua præteream, * duo sunt omnino scelera, quæ neq; pro magnitudine satis explicari, neq; pro immanitate satis puniri possint: Matri-
monij,*

monij, dico, & Regiæ maiestatis violationem. Matrimonium enim, ut inquit Apostolus, verè magnum continet mysterium. Nam ut conservatum omnia inferiora officiorum genera in se complectitur, ita violatum, omnia evertit. Qui parentem violavit, omnem pietatis reuerentiam ex animo eiecisse creditur: At mariti causa relinquet homo patrem & matrem. Ac cæteri quidem officiorum vel gradus, vel similitudines, in brutis animantibus aut omnino non insunt, aut certè sunt obscuriores. * Charitatis verò coniugalis, nulum ferè est animal, quod sensum aliquem non habeat. Hoc igitur mysterium qui non modò violat, sed prorsus contemnit, non leges, nò societatis humana fundamenta omnia euer-

N. ij.

Charitas coniugalis si in brutis etiam retinetur animantibus: quanto minus in hominibus eius ferenda est Violatio?

Quòd si lex dei Vitam non permittit ei, quæ thorum maritalem commaculavit: quid fiet ei,

tit,

ei, quæ ~~non~~ thorum,
sed vitam etiam ma-
riti è medio sustulit?

* Princeps dei imagi-
nem refert in terris.
Qui igitur maiestatem
ladi, deum ladi. Qui
vero occidit, perinde
facit ac si deum ipsum
de cælo detrahere gy-
gantea audacia aggre-
diatur, nec Venia dig-
nus nec Vita.

Si Maiestatem vel le-
uiter laffisse capitale fit
et morte vindicandū:
Quid tū erit occidisse?

tit, sed omnem naturæ or-
dinē, quod in se est, soluit
& perturbat. Qui vero
Regem, qui vera est in ter-
ris Dei * imago, non vio-
lat dico, sed trucidat, &
ita crudeliter trucidat no-
uo & inusitato atrocitatis
genere, ut nō simplici sup-
plicio impotens & incre-
dibilis truculentia sit con-
tenta: nonnē ipsum tibi
Deum de cælo, quantum
in ipso est detrahere volu-
isse videatur? Quem igi-
tur ad misericordiam aditum sibi re-
liquerunt, qui non modò omnē cru-
delitatis modum, sed etiam fidem, in
odij iniusti libidine explenda supe-
rarunt?

At parci oportere dicent Nobili-
tati, dignitati, ætati. Si quidem illa
ei pepercit, in quo hæc omnia, vel
maiora,

maiora, vel certè paria fuerunt. Valeat Regij nominis maiestas: Quantum sibi ad salutem valere debeat, ipsa prodidit exemplum. Committamus ei nostram salutem, quæ soror fratrem, uxor maritum, Regina Regem excarnificauit? Committamus nostram salutem ei, quam nunquam pudor à libidine, sexus à crudelitate, ab impietate religio reuocauit. Committamus veniam ætati, sexui, errori, cum nullis odiorum iustis causis in propinquo, Rege, marito, hæc omnia contempserit? * Quæ hæc iniuste iræ supplicia expetuerit, quid eam contumelijs prouocatam facturam existimabimus, aduersus homines nulla sanguinis propinquitate coniunctos, libidini suæ obnoxios, & non in æquam vitæ societatem, sed in tutelam dados, in carnificinam redditos? cum interpellatæ libidinis impotentia, & naturæ immanitas licentiæ armis

Quæ mulier in maritum, et regem tam tenere etiam amata, tam crudeliter grassata est, quid eam iniurijs lesam in alios facturam expectabimus?

N. ij. munita,

Defensio
iudicij ad-
uersus Re-
ginā Scot.
indicti.

munita, in miserorum ciuium bonis,
& sanguine debacchabitur? quod
est igitur hoc crimen cuius rei tra-
ducimur? quæ est hæc nostra crude-
litas? Quod videlicet mulierē, sine
modo, sine modestia furentem, & vi-
ribus potestatis ad ciuium incolumi-
tatem tuendam acceptæ, ad omnium
perniciem abutentē, sub propinquo-
rum & beneuolentium tutela conti-
nuerimus? & à qua, iure, scelerum
supplicium expetere poteramus, nul-
lam grauiorem ei pœnam irrogaue-
rimus, quàm ut à scelere perpetrando
eam prohibuerimus? Non enim
ei libertatem, sed effrenem flagitio-
rum licentiam ademeramus. In quo
magis formidamus nimia le-
nitatis apud bonos omnes
reprehensionem, quàm
apud malos cru-
delitatis ca-
lumniam.

¶ Literæ

Literæ Reginae Scot.
ad comitem Bothue-
lium scriptæ.



Osteaquam ab eo loco dis- *Prima ad*
cessi ubi reliquerã cor me- *Bothueliũ*
um, facilis est coniectura epistola.

qui ~~mihi~~ fuerit vultus: cum
planè perindè essem atq;

corpus sine corde. Ea fuit causa cur toto
prandij tempore, neq; contulerim sermo-
nem cum quoquam, neq; quisquam se of-
ferre mihi sit ausus: ut qui iudicarent id
non esse ex usu. Ad quatuor passuum mi-
lia antè quàm ad oppidum accessissem,
homo honesto loco natus, à Comite Leni-
nie ad me venit, atq; eius nomine salu-
tauit. Excusauit Comitem quòd non ipse
obuiam processisset: id enim quòd minus
auderet, in causa fuisse quòd verbis aspe-
rioribus Cunigamium compellassem. Pe-
tuit etiam ut inquirerem de suspitione

~~me~~ aduersus Comitem. Postrema hæc
sermonis pars, ab ipso, iniussu Comitis, e-
rat adiecta. Ego respondi, nullam aduer-
sus timorem esse medicinam: neq; si ex-
tra

*Regina ca-
cus erga
Bothueliũ
amor, et
impudens.*

tra culpam esset, tam meticulosum futurum: neq³ me, nisi ad dubitationes, quæ in eius literis erant, asperius respondisse. In summa, imposui homini silentiū. Longum esset cætera perscribere. D. Iacobus Hamiltonius mihi obuiam venit. Is ostendit superiore tempore, cum de meo aduentu audisset, eum discessisse, ac Hustonem ad se misisse, qui diceret, se nunquam fuisse crediturum, quod aut ipsum persequeretur, aut Hamiltoniys se coniungeret: Se verò respondisse sui itineris causam unam fuisse, ut me videret: neq³ cum Stuarti, aut Hamiltoniys, in iussu meo, se coniuncturum.

Lusius Hustonus, Caldoelly filius, comitati quadraginta circiter equis obuiam venerunt. Lusius dixit, se à Regis patre in eum ipsum diem ut causam diceret accersitum, contra quam chirographo promississet: Id chirographum penes se esse: Tamen cum de meo aduentu rescitum esset, diem prolatum: se accersitum à Comite, ire nolle: ac inrat se nihil unquam ab eo velle. Nemo oppidanorum me conuenit, quæ res facit ut eos credam ab illo stare: prætereà bene loquun-

loquuntur, saltem de filio. Nullos prætereà Nobiles video, præter meos comites. Rex accersivit Joachimum heret, eum interrogavit, cur non propè se diuiterem: id enim si fecissem se citius surrecturum: Item cur venissem? an reconciliationis causa? ac nominatim, an tu hîc eses? an familiæ catalogum fecissem? an Paridem, & Gilbertum accipissem, qui mihi scriberent? an Iosephum dimissurum essem? miror quis ei tantum indicarit: Etiam usq; ad nuptias Sebastiani sermo peruenit. Ego eum de suis literis rogavi: in quibus questus erat de quorundam crudelitate. Respondit se nonnihil esse attonitum, meumq; ei conspectum tam iucundum, ut putaret se leticia moriturum. Offendebatur, eò quòd tam cogitabunda essem. Ego discessi ad cœnam: qui hæc fert tibi, de meo aduentu narrabit.

Rogavit me ut redirem, quod & feci. Suum mihi morbum explicavit: Sed, nulum Testamentum facturum, nisi id vnum, quòd omnia mihi relinqueret: me autem sui morbi causam fuisse, quòd molestè tulisset me tam alieno erga se animo

O. j.

fuisse.

Regis studium et charitas singularis erga Reginam.

fuisse. Ac postea inquit, me rogas quid
 sibi velit illa crudelitas, cuius mentio est
 in meis literis? Ad te unam id spectat,
 qua meas pollicitationes, ac poenitentiam
 recipere non vis: fateor à me peccatum
 esse: sed non in eo, quod semper negavi.
 Peccaui etiam aduersus quasdam ciui-
 um tuorum, quod mihi abs te condona-
 tum est. Ego sum adolescens: ac tu dicis,
 quod post veniam saepe abs te datam, ad-
 huc ad peccata redeo. Nonne homo, qui
 ego sum etate, consilio destitutus, bis, aut
 ter labi potest? aut polliciris non stare?
 ac deinde suuerrati poenitere, & rerum
 usu corrigi? Quod si veniam impetrare
 potero, polliceor me nunquam posthac
 peccaturum. Nihil autem aliud peto,
 nisi ut cœmuni mensa & lecto, tanquam
 coniuges, utamur. Ad hac nisi tu con-
 sentias, nunquam ex hoc lecto resurgam.
 Te rogo ut mihi indices quid decreueris.
 Nonne autem Deus quid poenarum fe-
 ram, quod Deum mihi te fecerim, ac ni-
 hil aliud nisi te cogitem. Quod si quan-
 do te offendo, tu ipsa in causa es: Nam
 cum aliquis me offendit, si id perfugium
 haberem, ut apud te queri possem, ad ne-
 minem

Rex mēsam
 et lectum
 communem
 ab uxore
 petens non
 admitti-
 tur.

minem alium querelam deferrem. Sed si quid audio, nec te familiariter utor, cogor id in pectore clausum tenere: quæ res ita me angit, ut mentē & consilium mihi prorsus excutiat.

Ego semper ei respondebam: sed nimis longum esset omnia perscribere. Rogavi eum cur discessum adornaret in ista naue Anglica. Ille id pernegat, adiecto etiam iuramento. Sed confessus est se cum Anglis colloquutū. Postea rogavi eum de quaestione Gulielmi Heigait. Id quoque negavit, donec ipsa verba quæ prolata erant, ei detulisset. Tum dixit se certiores à Minto factum, dici quendam è consilio literas de se mittendo in carcerem, ac nisi pareret, occidendo, ad me detulisse ut subscriberem: ac se idem ex ipso Minto quæsisse, eumque respondisse, sibi verum videri. De hoc capite eum cras conveniam. Quod ad reliqua de Gulielmo Heigait, ea confessus est: nec id nisi post tridie quam venerā. Magno perē cupiebat ut ego in eius hospitio apud eum diuiterem. Ego recusavi, ac dixi ei opus esse purgatione, nec id hūc fieri posse. Dixit se accepisse quod lecti-

O. y.

cam

Regina fingit causas marito discedendi.

cam mecum attuliffem : se verò maluisse
 mecum unà proficisci . Credebat opinari
 quòd in carcerem eum aliquò amanda-
 tura essem . Ego respondi quòd ductura
 mecum essem ad Cragmillarium, ubi &
 Medici, & ego possemus ei adesse : neq;
 longè à meo filio abesse . Ille respondit se,
 ubi vellem, paratū esse, modò de eo quòd
 peteret securum se facerem . Cupiebat ne
 à quoq; conspiceretur . Irascitur quoties
 ei mentionem Walcarū facio, ac se, dicit,
 aures ei è capite auulsuram : ac mentiri
 eam ait . Nam de hacre eum interroga-
 ram : ac de eo quòd iratus esset quibus-
 dam Procerum, atq; eis minaretur . Id
 negat, & ait omnes sibi charos esse, ac
 me rogat nè quid secus de se crederem .
 Quòd ad me attinet, se malle de vita
 discedere, quàm quicquam committere
 quòd ~~me~~ offenderet .

Ac post eà tantum minutarum adu-
 lationum tam moderatè ac tam pruden-
 ter mihi effudit, ut tibi res admirationi
 sit futura . Penè oblita eram, quòd dixit
 in hoc negotio Hiegait non posse de me
 quicquam suspicari . Se enim nunquam
 crediturum, quòd ego quæ propria eius
 care

caro essem, quicquam mali ei facerem.
 Etiam se rescisse, quod ego ei rei subscri-
 bere recusassem: quod si quis suam vitam
 peteret, facturum ut satis magno ei con-
 staret. Sed sibi neminem nec suspectum
 esse, nec futurum: sed se omnem dilectu-
 rum quos ego diligerem. Nolebat per-
 mittere, ut à se discederem, sed cupiebat
 ut unà secum vigilarem. Ego simulabam
 omnia videri vera, ac mihi cura esse:
 atq; excusavi quod illa nocte vigilare nō
 possem: ait se non benè dormire: nunquā
 vidi eum melius habere, aut loqui humi-
 lius. Ac nisi experimento didicissem, quā
 esset eius cor cererum, meum ada-
 mantinum, & quale nullum telum pene-
 trare posset, nisi quod è tuo manu veniat,
 propè erat, ut eius miserta fuissem. Sed
 ne time, presidium ad mortem usq; cu-
 stodietur: tu vide ne tuum capi sinas à
 gente illa perfida, quæ non minore con-
 tentione tecum de hoc ipso aget: arbitror
 in eadem schola doctos fuisse. Iste semper
 in oculis habet lachrymam: salutat om-
 nes, etiam usq; ad infimos: & miseris
 modis eos ambit, ut ad sui misericordiam
 eos perducatur. Hodie patri eius, sanguis e

O. iij. naribus

Regina suo
 indicio tan-
 quā forex
 suam ipsa
 impietatem
 et scelus
 prodit.

Videtur hac naribus, & ore fluxit: tu conijce quale id
maritica sit prasagium: nondum cum vidi con-
ex prasagio tinet enim se in cubiculo. Rex poscit, ut
paterni meis manibus sibi tradam cibum: sed tu
sanguinis, nihilo magis istic sis crediturus, quàm
audaciam ego hic ero.
sumere

grassandi in Hac est mea primi diei expeditio, e-
necem sui andem cras finiam. Omnia scribo, etsi
meriti. non sunt magni ponderis, ut tu optima
 feligendo iudicium facias. Ego in nego-
 tio mihi maxime ingrato versor. Nun-

Impudens quid subit cupiditas ridendi, videndo
et mendax tam bene mentiri, saltem dissimulare tã
Regina dis- bene, ac interim vera dicere? Omnia
simulatio mihi aperuit sub nominibus Episcopi, &
et perfidia Sutherlandi. Nec tamen adhuc collo-
in maritū. cuta sum, aut verbo attigi quicquam eo-
 rum quæ tu mihi declarasti: sed tantum

vi adulationum & precum ago, ut
 sit securus: & conquereudo de Episcopo,
 omnia de eo expiscata sum: cœtera audi-
 sti. Nos sumus coniuncti cum duobus
 infidis hominum generibus. Diabolus
 nos seiungat, ac nos coniungat Deus in
 perpetuum, ut simus fidissimum par quod
 unquam iunctum est. Hac mea fides est,
 in ea volo mori. Excusa quòd malè pin-
 gam

Imprecatio
Regina cõ-
tra maritū.

gam: dimidium te oportet diuinare. Sed ego ei rei moderi non possum. Non enim optimè valeo, & tamen magna fruor letitia scribendo ad te cum alij dormiunt: quando ego dormire non possum, ut illi faciunt, nec ut ego vellem, hoc est in tuo complexu, mi chare amice, à quo precor Deum ut omnia mala auertat, & quietem mittat. Ego eo ut meam quietem inueniam in crastinum, ut tum mea biblia finiam. Sed angor quòd ea me scribendo de meipsa ad te impediat, quia tam diu est: fac me certiore quid, de re quam nosti, decreneris, ut alter alterum intelligamus, ne quid ob id secus fiat. Ego nudata sum, ac dormitum eo, nec tamen me continere possum, quò minus quod restat charta deformiter conscriberem. Malè sit isti varialato, qui me tot laboribus exercet: nam absq; eo, esset ut materiam multò elegantior ad differendum haberem. Non magnopere deformatus est, multum tamen accepit: penè me suo enecauit anhelitu: est enim grauior q̃ tui propinqui, & tamen non accedo propius ad eū, sed in cathedra sedeo ad pedes eius, cū ipse in remotissima lecti parte sit.

Regina libidine astans, et amore Borhuelij insaniens.

De Rege marito intelligit, què ipsa & veneno deformat, ut quum occidisse potius cepisset.

O. iij.

Nun-

Nuncius patris in itinere.

Sermo D. Jacobi Hamiltonij.

De eo, quod Lusse Comarchus mihi retulit de dilatione.

De quibus interrogavit Ioachimum.

De ordinatione familie.

De ~~meo~~ comitatu.

De causa mei aduentus.

De Iosepho.

Item de sermone inter me & illum.

De eius voluntate placendi mihi, & de eius poenitentia.

De interpretatione suarum literarum.

De negotio Gulielmi Hiegait, & de suo discessu.

De Domino de Leniston.

Pene oblita eram, quod Dominus
 D. Lenistonius, D. Reresia dixit in aurem
 dum cœnaret, quod prœbiberet eis quos
 nossem, ea lege ut ego rebiberem eorum
 nomine. At post cœnam dixit mihi, dum
 ad ignem calefiebam cum ei inniterer.
 Bella inquit, huiusmodi hominum visi-
 tatio. Non tamen tanta est tuo accessu
 potest eis esse latiria, quanta in molestia
 quidam hodie relictus est: qui nunquam
 letus erit, donec te iterum videbit. Ego
 de

de eo quesivi quisnam is esset. Ille artius corpus meum comprimens, respondit, unus eorum qui te reliquerunt: tu quis sis diuinare potes. Ego hodie elaboravi usque ad horam secundam in hac armissa ut clauem includerem qua subtus annexa est duobus funiculis: male autem facta est ob temporis angustiam, sed faciam pulchriorem. Interim prospice, ne quisque eorum qui hic sunt videat: quia omnes mortales eam agnoscent, tanta festinatione in omnium oculis facta est.

Nunc proficiscor ad institutum meum odiosum. Tu me adeo dissimulare cogis, ut etiam ipsa horream: ac tantum non proditricis partes me agere cogis. Illud reminiscere, quod nisi tibi obsequendi desiderium me cogeret, malletm mori, quam hæc committere: cor enim mihi ad hæc sanguinem fundit. Breviter negat se mecum venturum, nisi ea lege, ut ei pollicear me communium cum eo mensa & thoro usuram velut antea, ac ne sepius eum derelinquam. Hoc si faciam, quicquid velim faciet, ac me commitabitur: sed me rogauit, ut se expectarem in diem perendum. Valde ferociter ab initio loqueba-

Institutum
hoc odiosum
non aliter
quam de
cade marito
intelligi
posse vide-
tur.

tur (uti qui has fert tibi narrabit) de colloquio cum Anglis, de suo discessu: sed tandem reuersus est ad suam humanitatem. Inter alia consilia qua mihi retulit, se satis scire quod meus frater ad me detulisset, qua ipse cum eo egisset Sterelini. Quarum rerum dimidium negauit, ac maxime illud, qd fratris mei cubiculum esset ingressus: Vt ego facilius fidem apud eum assequerer, necesse mihi erat quadam fingendo ei obsecundare. Quamobrem cum rogaret ut ei pollicerer, cum primum renauisset, communem nobis fore lectum: Ego dissimulanter dixi, ac fingens mihi bellis eius pollicitationibus fidem habere, me consentire, nisi ille interea propositum mutaret: sed interea videret ne quisquam id rescisceret, propterea quod procures nostris colloquijs offendi non possent, nec indeo male velle sed in timore futuros quod comitatus fuisset: si aliquando inter nos concordessemus, se daturum operam ut intelligerent quam parui eum aestimassent. Item quod mihi consulisset ne gratiam quorundam seorsum a se peterem.

Has ob causas eos in magna suspitione
futuros

futuros, si ego faciem scenæ ad contrariam huic fabulam instructa, in præsentia eis inscijs turbarem. Tum ille vehementer latus subiecit. Et tu putas ne quod pluris illi te aestimabunt ob hanc causâ? Sed valde gaudeo, quod sermonem de proceribus iniecisti, nunc quidem credo te cupere, ut unâ concorditer viuamus: ~~nunc~~ ni ita esset, maiora quàm uterq; timeamus incommoda utriq; possent euenire. Sed nunc quod tu vis, volo, & quod amabis amabo, & cupio ut eorum similiter concilies amorem: quia postquam non petunt vitam meam, omnes amo ex æquo. Circa hoc caput hic tabellarius multa minuta tibi declarabit: quia nimis multa supersunt scribenda. & iam serum est: huic adhibebis fidem iuxta tuum verbum. Breuiter, meo iussu quouis ibit. Hei mihi, nunquam quenquam decepi: sed ego me in vniuersum tue voluntati subycio. Fac me certiore quid faciam: & quicumq; sequatur euentus, tibi obsequar. Etiam tecum perpende, an comminisci queas aliquam occultiore rationem per medicinam. Sumpturus est enim, et medicina, et Balneum, ad Crag-

Turpis regina subiectio.

De Veneno danda conspirat Regina cum Bothuelio.

P. ij.

milla-

millarium. Non potest demo egredi ad multos dies. Breuiter, quantum intelligere possum, in magna suspitione versatur: nihilo tamen minus magnam habet fidem orationi meae: nec tamen usq³ adeo ut quicquam mihi effutiat. Nihilo minus ego ex eo, siquidem tu vis, omnia apud eum profitear & agnoscam. Sed nunquam gaudeba in quouis homine, qui mihi fidit, decipiendo: nihilo minus tu mihi potes omnibus in rebus inoperare: uoli ideo sinistram opinionem de me concipere: quia tu ipse huius rei mihi author es: nunquam enim istud in eum committerem, mea propria ultionis causa. Interim me attingit in loco suspecto: idq³ ad uinum haetenus proloquutus est. sua crimina esse palam: sed sunt qui maiora committant, & opinantur ea silentio tegi, & tamen homines de magnis iuxta & paruis loquuntur. De Reresia ait, Deum precor, ut officia quae tibi praestat, sint tibi honori. Ait etiam quosdam credere, ac se id verum existimare, me non habere potestatem mei intra me: idq³ quia recusauerim conditiones a se oblatas.

Reresia me-
retrix.

Breuiter, certum est quod de eo quod
scis

scis, suspicetur: ac de vita etiam. Quod
 ad posterius, cum primum ego duobus
 aut tribus bonis verbis eum copello, gau-
 det, ac timere desinit. Non vidi eum
 hac vespere, quia tuam armillam confi-
 ciebam: cui nullam possum ceram inue-
 nire, id enim unum ad perfectionem ei
 deest: & adhuc vereor ne aliquod se of-
 ferat infortunium, & conspici possit, si te
 contingat ledi: fac me certiorē num tam
 velis habere: & si plusculum pecunia ve-
 lis habere: & quando debeam redire: &
 quem in loquendo modū mihi statuam.
 Insanit ad mentionem de Lothintonio,
 de te, de fratre meo. De tuo fratre ni-
 hil loquitur. De Comite Argathelia in
 timore versor, quoties eum audio loquē-
 tem. Pro certo habet eum nihil de se malè
 opinari. De eis qui extra sunt nihil, neq;
 boni neq; mali loquitur, sed semper hunc
 locum vitat. Pater eius domi se conti-
 net: non dum enim vidi. Omnes Ha-
 miltonij hīc adsunt, & me comitantur
 valdè honorificè. Alterius omnes amici
 me comitantur, quoties eum viso. Petit
 à me ut cras tempore adsim, ut eum sur-
 gentem videam. Ut paucis absolvam, hic
 P. iij. tabella.

tabellarius reliqua tibi narrabit. Si quid
 novi hinc discam, vesperi faciam commē-
 tarium: Ille tibi explicabit ~~hanc~~ ~~causam~~
 causam. Crema has literas: sunt enim
 periculosa, nec quicquam bene in eis di-
 ctum. Ego enim nihil cogito nisi molesti-
 as. Si fueris Edinburgi ~~crema~~ has accipies,
 fac me certiolem. Noli offendi, quia ~~non~~
 nimium fido. Nunc postquam ob studi-
 um tibi obsequendi, michare amice, neq₃
 honori, neq₃ conscientiae, nec periculo,
 neq₃ quantacuis magnitudini parco, rogo
 in bonam partem accipias, ac non iuxta
 interpretationem fallacis fratris uxoris
 tuae: cui rogo nullam adhibeas fidem ad-
 uersus fidelissimā omnium quas aut ha-
 buisti, aut habebis, amicam. Noli ~~crema~~
 intueri, cuius ficta lachryma ~~non~~ debent
 tanti esse, quanti fidi labores, quos ego
 perfero, ut merear in eius locum succe-
 dere: quem ut obtineam, ego eos prodo
 (idq₃ aduersus ingenium meum) qui
 impedimento esse possent. Deus mihi det
 veniā. Et Deus tibi det, mi unice amice,
 eum successum, & foelicitatē, quam tua
 humilis & fidelis amica tibi optat: quae
 breui sperat aliud de te in premium mei
 molesti

Regina ad-
 altera ho-
 norē suum
 simul et cō-
 scientiam
 praeſtituit.

Vxorem
 Bothuelij
 proſligat
 Regina,
 quo maritū
 eius ſola
 poſſideat.

molesti laboris. Serum est : tamen nunquam cupio cessare à scribēdo ad te. Tamen nunc post oscula manuum tuarum, finem meis literis imponam. Excusa meam in pingendo imperitiam : easq; relege. Excusa cursionem characterum : quia heri chartam non habebam, cum id quod in commentario erat scriberem. Reminiscere tuae amicae, ac saepe ad eam rescribe. Redama me, uti ego te amabo. Reminiscere sermonis de Keresia.

De Anglis.

De matre eius.

De Comite Argathelia.

De Comite Bothuelia.

De Hospitio Edinburgi.

¶ Alia Reginae Epistola, ad Bothuelium.

Uidetur cum tua absentia coniuncta ^{Secunda} esse obliuiscētia, praesertim cum in ^{Reginae} tuo discessu promiseris quod me certiorē ^{epistola.} faceres, si quid incidisset tibi noui per singula propē momenta. Eorum expectatio propemodum in tantam letitiam me cōiecit, quam in tuo reditu sim acceptura.

P. iij. quem

Regis erga
reginam
summa ob-
servantia.

Regina er-
ga Regem
summa in-
gratitudo
et malitiosa
impietas.

quem distulisti ultra quam promiseras. Quod ad me attinet, quanquam nihil audiam prater ea ex te novi, tamē iuxta partes mihi commissas, hominem adduco mecum ad Cragmillarium die lune, ubi erit toto die mercurij. Ego autem ibo Edinburgum ut mittam ex me sanguinē, si nihil interea novi in contrarium de te audiam. Est hilarior, ac vegetior, quam unquam eum videris. Subjcit mihi in memoriam omnia, quae efficere queant ut me credam ab eo amari. In summa, diceret quod cum summa observantia colat, & ambiat: quā de re ita magnam capio voluptatem, quod nunquam ad eum ingredi-or, quin dolor lateris mei infirmi me inuadat: ita me male habet. Si Paris ad me afferet id, cuius causa eum miseram, spero me melius habituram: Oro, fac me certiore de tuis rebus prolixē: & quid mihi sit faciendum, si tu non eris reuersus cum ego illuc venero. Quia nisi tu geras prudenter, video totū onus in meos humeros inclinaturum. Prospice omnia, ac prius tecum rem expende. Hec tibi mitto per Betonem, qui proficiscitur ad diem dictam. D. Balfurio. Non dicam plura,

plura, nisi quòd te rogo ut de tuo itinere
me certiore facias. Glasgva, hoc Sab-
bato manè.

¶ Alia Epistola, ad eundem.

DIntius illic morata sum q̄ volebam, Tertia eius
nisi id factum fuisset ut aliquid ex eo epistola.
exculperem. quod hic tabellarius tibi
indicabit: quæ est bellissima occasio, quæ
se poterat offerre ad excusandum nostra
negotia. Promisi me ipsum cras ad eum
adducturam: tu rem cura, si tibi commo-
da videtur. Nunc Domine ego pactum
violanti: quia tu vetuisti ne vel scriberẽ,
vel mitterem ad te. Non tamen hoc feci
quòd te offenderem: & si scires quanto in
metu ego sum in presentia, non tot in a-
nimo haberes cõtrarias suspiciones: qui-
bus tamen ego faueo, & boni consulo,
tanq̄ profectas ab ea re, quam ego omni-
um quæ sub cœlo sunt maximè cupio, &
diligentissimè persequor, qui est tuus fa-
nor: de quo mea me officia certam & se-
curã facient. Quod ad me attinet, nunq̄
de eo desperabo: ac te rogo, ut iuxta tuã
promissa animum tuum mihi exponeres:

Regina fa-
uorem ad-
ulteri q̄
callide e-
blunditur.

Recte ista
sefe cum
Medea con-
fert, nisi
quod illa
filios, hac
ipsum ma-
ritum occi-
derat.

Regina in
sanus in.
Bothueliū
amor.

* Videtur
locum cadi
perpatrāda
de finatum
innuere.

alioquī suspicabor fieri malo ~~me~~ fato, &
syderum fauore erga illas (quæ nec terti-
am habent partem fidelitatis, & volun-
tatis tibi obsequendi, quam ego habeo)
ut ipse velut secunda Jasonis amica, me
inuita, priorem apud te locum gratia oc-
cupauerint. Nec hoc eō dico, quò te cum
homine, ea qua ille erat infelicitate, cō-
parem: nec me cum muliere tam aliena
à misericordia q̄ illa erat. Quanq̄ tu me
cogis aliqua ex parte ut illi sim similis
omnibus in rebus qua ad te pertinent:
aut qua te seruare & custodire queant
illi, cuius unius iure totus es. Siquidem
id tanq̄ meum mihi vendicare possum,
quòd parauit te unum fideliter, imò vnice
amando (quod & facio, & faciam dum
vixero) secuta omnis laboris & periculi,
que illinc impendere poterunt. Et ob
hæc omnia mala quorū tu mihi causa fui-
sti, hanc repēde gratiā, ut * loci memi-
neris qui hic vicinus est. Non postulo ut
cras mihi promissa serues, sed ut congre-
diamur, et ut nullam fidem suspicionibus
adhibeas, nisi rebus exploratis. Ego vero
nihil aliud a Deo peto, nisi ut ea intelli-
gas qua sunt in animo meo, qui est tuus:
& ut

& ut te præsuet ab omni malo, saltem
 dum mihi supererit vita: quam & ego
 non duco mihi charam, nisi quatenus &
 ego, & illa tibi placemus. Ego eo cubitū,
 & tibi vale dico: fac me certio rem sum-
 ma mane de tua valetudine: ego enim e-
 ro in molestia donec intelligam. Si auis
 euaserit è cauea, aut sine compare velut
 Turtur, ego remanebo sola ut lamenter
 absentiam tuam quamlibet breuem. Hac
 epistola libenter faciet quod ego ipsa fa-
 cere non potero, nisi forte tu (quod metuo)
 iam dormias. Non sum ausa scribere
 presentibus Iosepho, Sebastiano, & Ioa-
 chimo, qui nihil aliud quam discesserant,
 cum ego cœpi hac scribere.

Catastrophe huius Tragœdiæ.

HAE quidè m causæ Reginam ad
 id consiliū impulerant: erant &
 Bothuelio suæ rationes, quæ animū
 non leuiter mouerent. Nam cum ab-
 solutio illa infamis magis rem auge-

2. ij. ret,

*Fucus Both-
uelij in oc-
cultando
facinore.*

ret, quàm suspicionem leuaret, neq̃
cælari res posset, ad vltimum reme-
dium decurrit: vt videlicet, veniam
omnium à se perpetratorum à Regina
impetraret. Sed cum ex more patrio
in hoc genere diplomatum grauissi-
mum crimen nominatim ascribere,
cætera velut appendicem in genere
tantum adiungere, eadem Regis fateri
nec honestum, nec tutum videbatur.
Aliud igitur crimen grauius, aut
certè non minus atrox, aut inueni-
endum, aut perpetrandum erat: sub
cuius vmbra cades Regia lateret.

Neq̃ aliud succurrebat, nisi
simulatus ille raptus, quo
simul & Regina suæ vo-
luntati, & Bothue-
lius securitati
prospiceret.

In Mariam Reginam Scoticam.

O Regina tuos hos nunc aduerte furores,
hæc de consilijs sunt manifesta tuis.
Nobilis ille tuas vires Darnleius heros
pertulit, heu tristes pertulit ille faces.
Qua mulier dulcem voluit sic perdere formam?
Et genus, & virtus, fœdera sacra, fides,
Vxoris pietas, leges, vindicta Deorum,
dehebant animo plus valuisse tuo.
Siccine Bothwellum poteras sine lege tenere?
hunc scelerata pati sic sine lege mori?
Siccine Bothwelli poterant te flectere verba,
ut sua non iusto sanguine vota ferat?
Non tua fœmineo splendet vita pudore,
sed tua monstroso crimine vita nocet.
O utinam proprio solo tua pessima membra
qua sit, sensissent, ultio iusta Dei.
Nos O sic salui (queis tu malesana noceres)
euassemus damna futura diu.
Anglia nam membrum sauum, crudelius vllum,
inuenire sibi, nec sibi ferre potest.
Nam tua perpetuum molitur vita periculum:
& sunt quæ voluis sanguinolenta nimis.
Ecce Comes Regis pater (est lachrymabile fatum)
ingenio Dux est obrutus ecce tuo.

Q. iij.

Sed

*Sed Deus has mentis labes, peccata nefanda,
(cognita sunt illi) non feret illa diu.
Tu sperare potes vita tormenta, salutis
amplius haud superest, spes tua mortis erit.
Aspice diuino poenas de numine mitti:
aspice pro meritis fata ferenda tuis.*

G. M.

¶ *In Mariam Stuartam Re-
ginam Scoticam, Satyra.*

*Q*uæ fuit egregio Derlino iuncta Stuarda:
sustulit illa suum sæua virago virum.
Et quem non potuit morientem auferre veneno,
hunc fera, sulphureo puluere tollit humo.
Quæ te dira mouet rabies? quæ vexat erynnis?
Guiscia progenies, gens inimica Deo?
Cur petis ipsa nouos thalamos? ut victima possit
sepe recens fieri, bustaq; plura dari?
Quis nisi Bothuelius, tali concumbere dignus?
lættucas similes talia labra tenent.


Tigris

*Tigris alit mentem, panthæra in pectore regnat,
lacte lupus nutrit, corpore Dæmon inest.
Mōstra quis enumeret, quibus est imbuta Stuarta?
omnia nemo potest: plurima namq̃ latent.
Quisquis at infelix talem dignatur amicam:
toxica, præmonitus, multa parata sciat.
Quòd si difficile est, vitam violare veneno:
sulphureo, caueat, pulvere tecta rapi.
Opprobrium mundi, relegatur talis ad Indos:
vel focus absumens corpus in alta ferat.*

P. R. Scotus.

Comas marste is the front
dweller of his book

A large, stylized initial letter 'B' in blue ink, decorated with intricate patterns and a small figure. The letter is highly ornate, with a small figure standing within the central loop. The background is aged parchment with some staining.



Geo. P. M. 1884

341

105

28645

1571

C. 1

4656506

193413

MM 205





